


青野護輯

三







青野漫輯卷之三上

自我 仁廟朝丙亂後至 肅廟初

余嘗聞大明 高皇帝之教曰女真滿萬天下莫當況不心  
二萬三萬五萬而已哉縱使熊虎之將率如雲如雨之士固  
未可以歲月破也以我國貪生恒恟之將不教無用之卒敢  
望有摧堅陷陣之功乎所痛者主上被圍晝夜拒守至於數  
月之久芻糧已匱士卒已病殄殲之禍迫在朝夕而所謂都  
元帥副元帥所謂統制使兵使水使營將監司等終無一人  
赴死於城下者是可忍也孰不可忍也彼固無足誅矣亦可  
見朝廷平日任用之不得其人也又况牽於私掣於勢終不能





以其罪之者乎不惟不罪任其富貴晏然自肆黃金橫帶  
呼唱乎道路彼既不自知罪人亦不以為恠天下安有可懲  
之惡天下安有不亡之國乎嗚呼痛矣。至於斥和之說  
固是亘萬古不易之正論而時有利害勢有難易固不可執  
一而論也蓋我國之事本與宋朝異宋是賊所必欲之地雖  
與之盟如金石終必無不渝之理而本國是其度外之地也  
我不相忤彼必無專攻之理丁卯結和之事雖不可謂之善  
策而既與相好使命來往則我國於日本既有二陵之誓國  
可亡和不可為若於清國則寧  
有不可  
和之理不有自強之策而徑先絕和自以為得計者不亦迂  
乎況丙子差胡之來歸曰我即皇帝位兄等之國不可不通



諭云而未嘗有使之臣奉之語則為我國計者當申以上國之恩義反覆乎不可負之意而待之之禮不減於前日則喜人怒歟之性雖不可謂終無負迫之理彼既卜日鍊卒銳意西征則豈有回軍東搶若此之速之理乎昔太王之事獯鬻句踐之事吳亦豈無所見所慮而若干高論之士不自量力徒奮義氣先之以斬使之說縑之以惡草之待挑怨速禍自取顛覆茲事首末正與景延廣相類可勝惜哉若夫南漢之城誠天下不易得之形勝也只欠初筭之時未諳形勢耳倘於東南兩臺之外更築一甕城以防敵人之窺覘而城堞處處設大砲作樓舍以蔽風雨安鍋釜以備炊爨然後積藁聚



以其罪之者乎不惟不罪任其富貴晏然自肆黃金橫帶  
呼唱乎道路彼既不自知罪人亦不以為恠天下安有可懲  
之惡天下安有不亡之國乎嗚呼痛矣：至於斥和之說  
固是亘萬古不易之正論而時有利害勢有難易固不可執  
一而論也蓋我國之事本與宋朝異宋是賊所必欲之地雖  
與之盟如金石終必無不渝之理而本國是其度外之地也  
我不相忤彼必無專攻之理丁卯結和之事雖不可謂之善  
策而既與相好使命來往則我國於日本既有二陵之誓國  
可亡和不可為若於清國則寧  
有不可  
和之理不有自強之策而徑先絕和自以為得計者不亦迂  
乎況丙子差胡之來歸曰我即皇帝位兄等之國不可不通



諭云而未嘗有使之臣奉之語則為我國計者當申以上國之恩義反覆乎不可負之意而待之之禮不減於前日則喜人怒歟之性雖不可謂終無負迫之理彼既卜日鍊卒銳意西征則豈有回軍東搶若此之速之理乎昔太王之事獯鬻句踐之事吳亦豈無所見所慮而若干高論之士不自量力徒奮義氣先之以斬使之說縑之以惡草之待挑怨連禍自取顛覆茲事首末正與景延廣相類可勝惜哉若夫南漢之城誠天下不易得之形勝也只欠初筭之時未諳形勢耳倘於東南兩臺之外更築一甕城以防敵人之窺覘而城堞處處設大砲作樓舍以蔽風雨安鍋釜以備炊爨然後積藁聚



糧為十許年之計則縱有清兵百萬其奈我何惜乎以如此之險操可致之勢而守備未預束手就亡寧可不為之痛心哉

龍離  
日記

○丁丑至月漢號為封王送塞胡號為天使其書號為制又號勅諭令三公六卿及士大夫家相為婚姻又令義色侍女八送龍骨大等作挈受賂同有紀極而至於勒納房妓遠接使李景曾累度防塞且為啓稟龍胡等致辱無數朝廷不得已許之自此以後各邑妓生逐日入房適意者往來率行到京又以醫女巫女八之厥後凡出我國者遂以為例少有老意擊打士大夫有同奴隸三公六卿及士大夫家十二人將



定結婚預報藩中汗謂遠來有弊罷之擇各道妓輩十餘人  
以充侍女厥後汗使勿更送出城後南漢望月對峯加尊曲  
城屬於山城胡差徃見使之盡毀且於三田渡使立勝捷碑  
作彩閣設累層堦立崇碑其中圍以垣墻工役浩大且教大  
提學李景奭製其碑文叅判吳竣書之叅判呂甬徵篆之而  
清國及蒙古番文並書一碑其文曰大清崇德元年冬十有  
二月皇帝寬溫仁聖和自我始赫然以武臨之直擣而東莫敢有抗  
者時我寡君棲于南漢凜凜若履春冰而待白日者殆五旬  
東南諸道兵相繼崩潰西北師即逗峽內不能進一步城中食  
且盡當此之時以大兵薄城如霜風之卷秋穽爐火之燎鵠



脫數字

毛而皇帝以不殺為武惟布德是先乃降勅諭之曰來朕全  
爾否屠之有若英馬諸大持承皇命相屬於道於是我寡君  
集文武諸臣謂曰予托好於大邦十年于茲矣由予昏惑自  
速天討萬姓魚肉罪在予一人皇帝不忍屠戮之諭之以此  
予曷敢不欽承以上全我宗社下保我生靈大臣憤贊之  
遂從數十騎詣軍門請罪皇帝乃優之以禮拊之以恩一見  
而推心腹錫賚之恩偏及從臣禮罷即還我寡君于都城立  
召兵之南下者振旅而西禁暴勸農遠近之雉鳥散者咸復  
厥居環東土數千里山河即依舊矣霜雪變為陽春枯旱轉  
為時雨既亡而復存已絕而還續此實古昔以來所罕有者

環東土數千里咸圍於生威之澤



（龍藏經）

也漢水上游三田渡之南即皇帝駐蹕之所也壇塲在焉我  
寡君爰命水部就壇所增而高大之又伐石以碑之垂諸永  
久以彰夫皇帝之功德直與造化而同流也豈特我小邦世  
世永賴抑亦大朝之仁聲武誼無遠不服者未始不基于茲  
也顧摹天地之大畫日月之明不足以仿佛其萬一僅載其  
大略銘曰天降霜露載肅載育惟帝則之並布威德皇帝東  
征十萬其師殷々夷々如帟如敝西番窮髮暨夫北落執父  
前驅厥靈赫々皇帝孔仁誕降恩言十行昭回既嚴且溫始  
迷不知自貽伊戚帝有明命如寐之覺我后祗服相率而歸  
匪惟怛威惟德之懷皇帝嘉之澤洽禮優載色載笑爰東戈



予何以錫之駿馬輕裘都人士女乃歌乃謳我后言旋皇帝  
之賜皇帝班師話我赤子哀我蕩析勸我穡事金甌依旧翠  
壇維新枯骨再肉寒爰復春有石窞巍然大江之頭萬載三韓  
皇帝之休丙子錄

○倭國僭有年號而不敢書於送我國文書丙子後倭人以  
為爾國既背明朝而犬羊是事我之年號亦豈下於清國乎  
遂寫送年號時朝議或以為不可受而崔相鳴吉以為我既  
失節不必與彼相詰遂受之至今用其年號晦隱集

○始城下之盟清人既定金幣仍有徵兵之請公答以不可  
從至丁丑九月將遣使于北李延陽曰非某莫可公遂至瀋



備將君臣分義之不忍我國事力之不逮反復爭論事得寢  
戊寅清人將犯錦州界復徵師於我朝廷不知所以為計公  
以為往時出城勢窮力竭畱存宗社計不得已今日助兵之  
舉國可亡義不可從遂拒而不許致後師期清人大怒嘖言  
日至舉朝恟惧禍且不測公陳於榻前曰我國大臣一二人  
為助兵事死可以有辭於天下後世况此事臣宗主之臣請  
自當於是遂馳往自首將行 上親見慰諭賜豹表一襲資  
送有加至瀋清人列坐衙門招公詰責曰今此徵兵乃大國  
重事何人敢為沮塞乎公曰我身為首相凡本國之事無不  
主管此事專出於我惟願一死公不少懾以身自當清主義



而釋之以此終公在相府一不助兵

崔達川  
行狀

公於丁戊酉年再赴瀋拒徵兵後朝家終許助兵時公罷相  
僑居衿川村舍感慨有詩曰鼓角喧空海接天五千兵甲載  
樓船山城不死皆臣罪泣向春風拜杜鵑

遲川  
遺事

戊寅我有助清人西犯之兵而王世子自瀋中歸覲清人以  
元孫替去公時任持平奮曰歸將復去々將不歸是將舉族  
北轅也草疏請亟斷太計不報會清人召致我宰執及都承  
旨申浚淵賈問曰聞爾國猶有爲明朝守節者其入爲誰浚  
淵以金公尚憲及公名對清人索之急公且北行上遣中  
使勞諭賜白金貂帽及至清人設兵威賈問答曰我論我國



事何以問為怵以死無撓辭羣胡相顧曰此人爽爾、即胡語好々之云也遂囚公等而獄中四壁霜厚尺餘公處之委順日與金公唱酬詩章積成巨帙金公題之曰雪窖集居三載清人緩之移拘我境龍濟上又歲餘始得釋

曹晦谷漢英墓碑

辛巳春清人使定砲手一千騎兵五百匹牽夫五百人以柳琳為將越三月二十日逢點於瀋陽而軍餉器械陸續入送五月稱以遼代又使發送砲手五百當初我軍入去之時如就死地及到彼境汗及胡王以下無不厚待盡給其城中所得之物到今人皆感悅盛稱彼國威德咸有歆羨願行之

意矣

丙子錄



辛巳清人復徵兵怒公之屢避必欲迫脅一得為將公囚首  
請罪於朝不得命遂行金化之戰貴將死者即清主之妹婿  
也妹泣請報仇清主不許公在軍稱病薦堅卧委軍事於副  
將且密令軍中發砲去丸清人初不之覺俄而事露戮下卒  
一人而亦不以責公公因稱病轉甚清人許以他將代還

柳琳

墓碑

○丁丑亂定之初公備將為宗社誡意畱存狀移咨陳都督  
弘範冀得轉聞于皇上而海路遼遠書浮沉不可知欲得  
一信使更暴小邦情事而未有便也戊寅秋林慶業為平安  
兵使江邊邏卒得一僧獨步其名本以我人丙子以事往蝦島



因亂不得還轉八中國留洪軍門承疇幕府為詞東事出  
來者也慶業即報于公之使之津遣輦下至則招見與之語  
為人慷慨善詞令可托以事於是公與機密宰臣議具奏聞  
付諸獨步由水路入送中國而別構一啓抵洪軍門辛巳秋  
中國載送我人之被俘者僧從軍門賁文書出來時公已解  
相務時相申景禎令林慶業帶僧訪公于家曰此是國家大  
事相公雖已解職啓揭酬荅須出公手公揆定回咨更送獨  
步蓋獨步往來時海路必過清國壤界故清人覬知之怒我  
與天朝相通遣其將于義州詰其事朝廷捐萬金行計得不  
究而汗之疑未釋也至是松山站之陷兵部尚書洪承疇降



于清脩言送僧事宣川府使李焯與漢船替商事覺清將挾  
昭顯世子出駐鳳凰城縛致焯鈞問焯欲賣國以蕲生盡告  
送僧移咨事仍書我國宰臣及名流十餘人以與虜公名亦  
在其中而我未之知也清人迫令諸臣來置對將核治之君  
臣上下莫不危惧申平城納林慶業議以為雖有嘖言既無  
可證之端不如諱之公以為彼既偵知漢船往來狀而有此  
舉今若不以實言是益其疑且天下事未可知畢竟事發至  
於難諱之境則轉加一層將未免禍故於君父誠有不可言  
者不如以實言之禍心吾與林二人之死而已以此累爭於  
上前上亦以公之獨當危禍為難猶豫不忍決公遂赴鳳



城將行 上親見慰諭賜五百金以助行資仍賜豹裘公倍  
道疾驅到龍灣叅判朴潢查問使鄭致和尹順之諸人並來  
會明燭而語朴公曰林慶業則職是西閫前後裝般送僧皆  
出其手萬無全活理今若委於林則患可以紓且相公之於  
林輕重懸殊而亦非有負於林也公曰不可旣與人同事欲  
立名義於天下今何忍臨死地委人以自免乎諸公竦然  
嘆服朴公出戶外泣語人曰觀相公言以死自定忠臣烈士  
顧不當如是耶明發公渡鴨江而去林慶業亦被清人責送  
追發至高陽乘夜逃去公到鳳城清將列坐堂上兵衛甚盛  
引公于庭詰之曰送僧明朝何人主張公曰我為本國首相



事之大小皆關於我此事我獨主張而林慶葉為平安兵使  
故使之裝船以送既非主上所知諸臣亦無知者座上漢  
人解文字者書公所對送于瀋陽遂以兵圍守清將來昭顯  
館所言曰崔閣老事自當可謂鉄石肝腸遠接使李景曾  
平安監司具鳳瑞脩將公置對說話啟聞未幾清主回答至  
同時被拘諸宰並被放釋獨以公加鎖紐入瀋陽幽諸北館  
北館者清國死囚所拘也癸未四月移係南館凡係燕獄四  
年至乙酉春清人送還世子大君及諸質子時公與清陰白  
江俱得釋而東

遲川  
行狀

獨步久不還時公罷相家居以一律寄鄭陽坡探其消息託



以懷仙詞為題曰雲海微茫落照間眼穿何處覓蓬山張騫  
槎路何多阻徐市樓船久不還易被秋風欺白髮難從仙竈  
借紅顏年來無限傷心事窮蒼蒼苔獨掩閑獨步浮海復入  
中國公贈一絕曰秋八園林萬葉鳴豎華如雪鏡中明向來  
無限關心事都付山人一錫輦

遲川遺事

上密與一二十大臣議悉陳我國為中朝本情纂書具冊楫從  
海路遣之內則崔完城主其事外則獨公掌之我書既八中  
朝天下大加廢費登萊亦遣差報謝船泊宣川公馳送一裨  
持書令府使李桂厚給資糧而遣之至是清人又執桂行威  
暴索得公抵桂書公既至清將出公書詰公曰誰所書公荅



曰吾書也給漢船糧者誰也曰吾也不捕送大朝潛相賈與者何也公正色而言曰吾國於漢人豈忍捕而殺之只逐其船使勿近岸而已第此船無糧不得糧則將不退々々則將為大國所覺故予之糧而急遣之此吾罪也清將義其言事

竟得釋

鄭陽坡  
行狀

賊臣李桂持國陰事告虜以十二条至有願為大國臣歌舞太平等語以是禍機尤急虜主謂桂言雖直有忘君負國之罪其令本國處斷公方為西伯即執桂而馳啟以聞上以為勝國時姦人八元行譖以快恩訾末乃君不得保其位今治桂不嚴則禍將不測其用逆律族誅之時桂黨協同行賂於虜



圖以脫雋莅刑官亦故為遲徊公亟引雋斬之曰此賊人得而誅之何必待刑官來也居數日虜果赦雋而雋則死矣國

人稱狀

具鳳瑞墓碑

林慶業之干連器遠逆謀雖出於當時諸賊之招而渠既不暇而死仁祖大王又有閱其抱寃之教則自朝家深念平日之功劳特許昭洗於身後誠為盛德事矣至於逃入中原一節則蓋因慶業自竒其才欲一展布於天下且欲為我國雪恥而扶義似非專出於貪生畏死之致而但念獨當步事發清將挾世子來住鳳城詰問於我國也其事機之危逼不特主辱臣死而已且渠初既叅與其事則所當以一身之



死塞一國之禍而脫命跳去無所顧藉使 聖心驚動一國  
騷擾論以人臣危身奉上之節亡命之罪有不可免及到中  
原又值明朝垂亡之際功業無聞身命俱辱有難以不成之  
志貫已定之罪故自慶業死後士大夫於涉談之間未嘗不  
惜其才而憐其志終不敢以揭厲之恩仰請於朝者凡以此  
也今 殿下興鼓鼙之思許尊周之義追先朝之志敷一時  
之氣特施格外之典亦是一道恐無不可

南藥泉  
叔議

○戊寅掌令柳碩等論金尚憲無君之罪請命安置荅曰金  
尚憲論罪太晚置之無妨後李景奭八侍曰柳碩之論出於  
挾憾 上曰金尚憲鄭蘊所為一体只舉尚憲而論之非也



但尚憲不問其君不哭其兄果謂得其人倫乎尚憲以世祿之臣相從一紀餘遭此同極之變棄君父不問目今潔身遠去者尚憲之所作俑也此時論尚憲雖謂之鳳鳴朝陽可也後仍臺啓削奪尚憲爵

丙子錄

○公於丙子後謂清陰好名不恤國事至削枚卜清陰疑公尤深及拘燕獄同處久兩家各相敬重寢以相悉清陰和章有曰從尋兩世好頓釋百年疑公和章曰仔見黃扉德業新蓋期以同升之意非苟許也

崔遲川遺事

在燕獄與清陰白江頻々相會或講論道義或酬唱詩篇窮日夜不厭嘗與清陰講討經權清陰有詩曰成敗關天運須



看義與歸雖然反風暮未可倒裳衣權或賢猶誤經應衆莫  
違寄言明理士造次慎衡機公詩曰靜處觀群動真成爛熳  
歸湯水俱是水裘褐莫非衣事或隨時別心寧與道違君能  
悟斯理語嘿各天機白江嘗以詩贈公及清陰曰二老經權  
各為公擎天大節濟時功如今爛熳同歸地俱是南冠白首

翁

同上

清陰與崔相同因一室只隔一壁崔之子浚亮欲以贖其父  
而恐清陰或知其事乃往見清陰曰散宜生何如人也清陰  
曰古之賢人又問曰然則宜生所為之事無不可底事乎清  
陰曰似然矣浚亮遂以銀與鄭命壽以紓其褐崔相初以清



陰為真非扶春秋之義疑其有釣名之心及其同閃見其死生  
迫頭而確乎不拔遂信其義而服其心至於清陰初亦以  
崔相與秦檜無異及在虜中見其以死自守不為撓屈亦知  
其心本非為虜清陰詩有曰頻釋百年疑崔相詩曰君心如  
石終難轉吾道如環信所隨此其為解憾也

江上問答

澤堂嘗曰清陰之從南漢還鄉雖高矣亦從完城所開之門  
而出去矣蓋和事成城門開而後得出云也

遲川遺事

○鄭弼善震伯痛憤俘奴命壽反喙以噬臣主不忍其侵暴  
欲以詐除之時命奴專管我國事震伯欲令其相惡者蔽其  
奸偷而自我訂成則虜得以自誅之而我見凌之恥少可雪



也有以洩命壽者命壽突來咆哮事將不測震伯對焚其可  
跡文書於宰臣座以安其心矣其相惡者不知而竟發告事  
及質館々々諸人皆為媿媿震伯獨如初詎曰信虜索可跡  
文書震伯答以誠有而已火之此事宰臣實知之虜以問宰  
臣事成敗決於其口宰臣自前時往來虜中與命壽為之盡  
遂答曰不知震伯遂以誣見報上聞使問宰臣對以營救  
則反益其怒不如因請其罪上信之如其言震伯遂死即  
已卯四月也孝宗初亦知其事極致哀傷禭醑備馬指一  
公主示婚姻意後竟大震伯子維岳孝廟壬辰魁進士召  
見便殿使舉頤曰爾頗似爾父爾已長成如是我仍涕泣謂



侍臣曰鄭某憤不顧身為國受禍矣謂維岳曰勉毋止於此又謂侍臣曰無絕其廩給又命別致銀布而親賜維岳虎皮等物且饋酒食而退復特除官聞者感泣

鄭雷卿墓碑

三學士之被禍也鄭學士雷卿以文學陪世子方在藩中

遺札於吳學士

達濟

家曰時運若此作俘虜庭早晚一死若不

如此友之彰明得所則安知後死者反為先死者所悶哉

忠烈

遺稿吳學士遺事

後鄭公密議誅鄭命壽及龍馬兩胡而事泄被禍嗚呼孰謂

後死先死之言反成後日之讖哉

同上

鄭公臨死有詩曰三良昔死逾河濱閔塞俘遊夢有隣今招



阿震添新伴共訪令威作主人

三良即三學士鄭公字震伯故曰阿震

三復是詩即前書先死後死之意且其辭氣從容視死如歸

真可謂李輝之友也

同上

正言鄭維岳獨啓劾公蓋維岳死事人雷卿之子也其父臨

死有遺言不許子孫赴舉維岳晏然占科行身可惡及公秉

銓斥言忝其所生欲阻清望語先洩被其中傷

李相國尚真謚狀

○甲申四月

世子在瀋陽九王將西犯

世子亦隨行古

長城由蒙古地方行七日九王忽駐兵不進

世子使譯官

探知則山海關總兵吳三桂送副總兵一人遊擊將軍一人

于陣中言山西流賊犯皇城陷之皇帝自縊皇后妃嬪皆自



焚國事至此已無可為賊鋒東指列郡危解惟山海關獨全而兵力單弱勢難抵當聞大王已出師若及此時來救則當開關出迎大王一八關則北京指日可定願速進兵九王欲知虛實送其妻弟與明將一人往山海關明將一人則姑留陣中云而軍機甚秘不能詳知夕時譯人來傳九王之言曰來日當倍道馳去世子一行人馬亦當逆其能行者而隨之云行五日欲投宿於連山譯吳三桂又送將官於九王言賊兵已迫願促兵來救九王聞即發行馳進而又促世子隨行上下顛倒一行俱不能食達夜馳到沙合朝城外九王留兵少休世子坐於田畝上以達曉翌日又早發到關門外



相距十五里地一晝夜間蓋行二百里云翌日平明清兵進  
住關門外五里地是日即四月二十二日也關門內煙塵漲  
天砲聲亂動而已吳三桂率諸將十數負甲卒數百騎出城  
迎之九王於陣中受其拜禮進兵城底下馬而坐清人漢人  
數相往來已而清兵左右陣一時八關豎白旗於城上九王  
即又入城此時吳三桂已與李自成接戰而出來矣彼此兩  
軍方戰於城西東安池堂前故炮丸亂落於城門 世子倚  
城底菜田中破牆而坐與九王所坐隔四五家矣九王送人  
請世子、、往見未及坐定九王即起跨馬曰 世子亦當  
隨我赴戰場 世子不得已隨行具甲冑立於矢石之間砲



聲如雷箭落如雨清兵三吹螺三吶喊一時衝突賊陣三四  
放前鈞光翻日是時風勢大作一陣黃塵漸遠始知賊兵之  
敗走食頃戰場皆空積屍相枕於廣野之間賊從城東海邊  
而走為追兵所掩溺水死者不可勝數初更九王歸陣於戰  
場近處世子亦來宿於陣外翌日九王稱攝政王下令軍

中勿侵百姓兵三桂以下皆剪髮胡服率數萬兵與清兵一  
時西向到北京李自成已燒宮闕掠宮女貨寶而南走矣北  
京人言山海關之戰李賊騎兵十萬步兵二十萬而只餘六

千人而歸云

侍講院日記以金昌翁  
諺書燕行日記翻出

崇禎庚午流賊李自成起兵甲申稱王國號順自彰義門疾



駟入陷內城竟夜焚掠火光燭天帝登萬歲山望見之徘徊  
踰時回朝清宮硃書諭朱純臣挾輔東宮因命進酒連沃數  
觥語皇后曰大事去矣各泣下皇后拊太子二王慟甚遣之  
出后自經帝召公主至年十五歎曰甬何生我家左手掩面  
右手揮刀斷右臂未殊死手慄而亡命妃嬪自裁天且曙帝  
召百官無一至者

一云朕非亡國之主羣臣皆亡國之臣今無奈何云

仍回南宮登壽

皇亭披髮自經書衣前曰朕死無面目見祖宗於地下去朕  
冠冕以髮覆面先是大內有秘室鑄鍵甚嚴相傳劉誠意藏  
秘記於內非大變戒勿啓至是啓之得繪畫三軸第一文武  
百官被朝服亂走第二將士倒戈人民奔竄第三一人身穿



白背心跣足披髮形像酷肖聖容真天數也自成入關得兩  
宮之尸以雙扉舁之殯于東華門側斂以柳棺覆以蓬廩莫  
有敢往哭者皇太子走匿外舍內臣執納于自成：：欲降  
之太子不屈太學士范景文等四十餘人閉門皆死之或夫  
婦妾媵婢僕同死闔門殉節者有之自古死節之人未有盛

於此

明史

清世祖入燕京定都南京府科道等迎毅宗之兄福王即位  
改元弘先是傳言吳三桂令太子陰逸至是鴻臚少卿高  
夢箕密奏太子在浙帝命迎之都人聞太子至皆喜躍文武  
官趨謁者絡繹有旨諭文武官不許私謁中夜移送中城獄



令文武官會審太子真假詰問前事所言皆驗兵科戴英奏  
稱駙馬王昞姪孫王之明貞類太子故假冒太子馬士英又  
疏奏為假太子、、號呼皇天聲徹於內舊東宮官伴屬丘  
致中捧持大慟帝命下致中獄同上

清兵南下帝出奔清兵至蕪湖執帝北去凶聞至鄭芝龍奉  
唐王監國芝龍初以海寇後拜提兵者也是為隆武皇帝在位一年清兵執害之芝

龍降于清瞿式耜奉永明王即位於肇慶府即神宗嫡孫改元永

曆在位五年庚寅清兵破南雄軍帝乘舟西奔瞿式耜死之  
帝奔南寧遂入土州嚴起恒等數人隨去後未詳所止云同上  
初吳三桂聞帝與后俱殉社稷遂發喪舉哀投檄遠近自成



聞之大驚。賚三桂之父驤以書報三桂。又使舊將唐通作書於三桂。以勸降。又言東宮之無恙。三桂不答。只答其父書曰。父既不能為忠臣。子安得為孝子乎。子與父永訣。請在今日自成見此書。尤大惧。三桂激壯士以忠義。曰。我不忠不孝。何面目立於天地間乎。欲自頸。其下皆曰。將軍何至於此。吾輩當以死討賊。於是京城內外皆付三桂之檄。約士民服喪報警。都民一時潛製白巾以待之。自成率六萬兵東行。與太子英王鄭王及吳驤同發。銳卒不過數萬。所到以虛聲威脅。聞邊兵之壯。莫不寒心。自成知成敗決於一戰。連壘俱進。三桂盡銳出戰。無不一當百。殺賊數千。而賊猶賈勇。輒進。自成挾太子



登高阜立馬督戰三面圍三桂之陣三桂兵東西馳突賊散而復合清兵突出三桂之右所向披靡不能當自成鞭馬而走賊兵大崩自相蹈死者數萬人至北京屢破之自成殺驤懸頭高竿立城上殺驤家累燒宮闕走歸山西

金昌  
行日  
記  
翁燕

世或以三桂之開關納賊為罪而此實有不然者是時皇城已陷沒皇帝殉社而天下已亡矣三桂雖欲保關門其可得乎其勢雖不破於自成必將見破於清人矣且自成之罪通乎天為大明臣子者當不反兵而討者也三桂棄必破之關而報君父之訾倉卒處義可謂得矣若使三桂徒守一節不知變通而不與清兵合力則畢竟為自成之所破而清兵亦將



自八閔矣於天下事豈有益哉但其父死後三桂亦死則善矣而終不能死是為三桂之罪矣且三十年臣服清國及其白首之後脫胡服而起兵於雲南其事雖奇而不立大明之後自為僭号云果如是言則名節俱虧無復可論與當初處義者判若二人甚可惜也然起兵數年之間復六省而兵至荊州天下響應北京震動有破竹之勢若使三桂不死數年間可掃胡塵豈不壯哉嘗聞遼東士人李勣言吳王在雲南時善遇將士每於酒後嘔唏言岳武穆事而大哭已而曰天下如此我終非人矣言罷而復哭之心而復飲云可見其志之所存也後來處事雖不滿於人心終是間世人物也



淵昌翁所論名  
於謔書中翻出

○仁穆大妃昇遐後宮中有帛書多不道之語 仁廟疑貞  
明公主家以御札問於張新豐張公以不可起獄為對三問  
而對如初時 孝廟在傍 上投書於地作色曰汝之婦翁  
固執如此何可與計事也既而已卯 上寢疾而宮中有巫  
盅之瘖 上送一外戚重臣於公家諭之曰吾病日益沉痼  
而可疑之端已彰不得已將出外庭治之卿宜知此意蓋  
上意疑公主也公對曰 先王骨肉只有貴主今若起獄則  
當日反正之意安在哉且巫盅事自古多曖昧難明後數日  
上果下其事欲逮治主家婢子而公入宿廳陳啓只請移御



別宮拿問宮人輩上嚴批不許公屢請之上大怒遂以特命有越次赴瀋之行又於玉堂劄請黜女巫之批有曰有一相臣外為大言內懷不直草治獄終不叅鞠其意難測而前後臺官不以為非獨於迷劣女人兩司齊憤至於合啓割鷄為用牛刀公至龍灣上劄曰今此宮中誼況之變乃舉國臣民之所共憤而愚臣過慮終有忌咒之嫌求厥善後轉覺難處宣祖大王子女雖多公主大君最為晚出未及成長仙馭賓天曩時之事言之於悵今獨公主在耳今若以暗昧難明之事輾轉延累使公主驚憂傷心不得盡其天年而死則為今日首相者安得辭其責上將何以見先王於地



下向使愚臣徒懷一坊之念輕起大獄甘心於  
宣祖之骨  
肉而曾不以為難則是誠難信之臣其他日負  
殿下猶

是也

殿下亦安所用之哉

遲川行狀  
遺事合錄

永安尉宮人多被拷事禍將不測公力持救解之議有人自  
勲戚家來言永安尉宮人密藏凶穢物於竹筒八闕內云公

怒叱曰我在時永安不可殺汝與某謀先共殺我可也

津堂  
謚狀

○崔鳴吉字子謙号遲川完山人體幹戾小而坐容堅重如

金石山岳精氣僞侵數人子弟不敢仰視

遲川  
遺事

公於俗下世事多不省至不辨青綠之色侄子騎驢而至公

曰汝馬之耳何其長耶笑曰此驢也非馬也

同上



公為戶判各司有請得尾五百張公題云五百張太多一訥  
給之蓋以尾一千為一訥而公常誤認一百為一訥故云然  
人皆笑之同上

柳道三以文藝自負常云為槐院叅下時凡千文字每就完  
城相公出草起頭數行極平心甚易之轉至中間詞理条  
暢及至篇末意致明備文氣颯戩真是接天風浪同上

公嘗在家人有製送經義公批以上之上謂子弟曰此人當  
大鳴於世訪問乃宋相時烈作也其後公以大提學主試得  
一經義欲置壯頭諸考官皆嫌其地闊未顯公以為文學過  
人何可徒泥常規力主之即宋公也同上



鄭陽坡為公所推轂四十後遂秉樞紐老來或值國事難處

輒搔首云完城誤我

同上

癸亥朝家賜勲臣茅宅即籍沒諸罪人之家也公嫌其侈麗  
遂不八處得賜牌土田又以為權貴之強奪民田者無數所  
得賜牌中必多民田遂揭榜通衢許其推還其後有來訴者

公一々作文卷放與之

同上

公在相位具鑿為水原府使具即綾川之子時為年少名武  
過辭於公々與之語良久具辭拜而去纔下堂公忽色動徐  
語完陵公曰恠哉具鑿非久當死完陵問何也曰吾見其下  
堂步出之際神情已散若偶人之行也不幾日具無病暴死



同上

○張維字持國号谿谷十歲悉誦二經正文十一二讀盡少  
微通鑑亦能暗誦十六受昌黎文讀未幾便省古文機括十  
九冠漢城試二十中進士二十三登第為文頗得韓柳篇法  
不作陳冗語歷觀前輩名作多不滿意無何遭壬子之禍罷  
官居閑遂肆力於文字但苦多病不耐刻苦讀書然三十時  
文臃粗成嘗妄自評隲曰詞賦六七篇當與麗朝李文順鴈  
行古文數十篇進之中國則不敢廁諸東選亦不屑惟詩本  
晚學終不失步於小家數中未知後人題品處我於國朝何  
等諸公間也癸亥策靖社勲官至右相新豐府院君戊寅卒



年五十二謚文忠

谿谷漫筆名  
臣錄合錄

丁丑起復拜相公以死固辭左相崔鳴吉上疏曰 宣廟甲

午年間李德馨起復為兵判累劄之後終不敢辭及至昏朝  
朴承宗亦起復拜相而苦辭不出帶職在家以過三年承宗  
不得孝子之名而德馨獨為中興賢相今日僚相之自處當  
何取捨李德馨之不敢守志朴承宗之安於慢上此兩代興  
亡之所由判亦今日君臣之所當思也

遲川集

左相來訪臣因舉李德馨之号以語臣曰起復之事漢陰已  
行之矣令公作人得如漢陰亦足矣臣應之曰漢陰誠為賢  
相其可學處甚多吾皆不能學而獨學其起復可乎又曰往



在壬辰之變李德馨李好閔皆有奪情之舉嘗賊充斥禍迫門庭故也然德馨以兵判在公座為一武弁所譏諷未免有

慙色云

谿谷集

大提學有主文硯遞相傳授以擬禪家衣鉢魚叔權裨官雜記云玉堂舊有大石研常藏于藏書閣每值大提學八玉堂科次諸學士課作則出而用之而已及南心亭袁主文別作一大硯如玉堂所藏者而置諸家及遞文衡傳于李容翁符其後歷穀公而硯猶留容齋家及鄭湖陰為大提學容齋已卒夫人尚無恙以硯送于湖陰曰此容齋意也自是列傳于主文者壬辰兵燹之後漢陰購得之傳至爾瞻々敗硯上



失人謂此硯流傳百許年一經甬瞻之醜而遂不全此實斯  
文厄會云象村既典文用安東馬肝石琢造如故樣由玄軒  
而傳之北渚故事每傳硯之際必有唱酬詩什遂成文苑美  
事戊辰北渚解文柄余以晚進越次為其代北渚不肯傳硯  
于余而送于玉堂二吏來納聞者為異

谿谷漫筆

○沈器遠潛畱不軌畏公最甚日致款問公固已疑之甲申  
三月其徒欲因公上變夜告公以事急公馳赴闕下吹角勒  
兵部分將校譏捕賊黨器遠猶率死黨詣闕有欲逞之狀公  
亟叱手下士收縛其十餘輩器遠遂歛手就鞫諸賊援辭皆  
言賊魁所憚惟具某故舉事日將別遣壯士四十先擊之云



具仁  
行狀

甲申沈器遠與權潏等謀反伏誅廣州府尹洪振文謂於衙  
舍修理時得函書於階石間即一紙傳令也其書有曰愍戎  
使分付據守禦使傳令內發兵云振文仍以傳播於縉紳間是時  
公為愍戎使公弟延城公為守禦使故以此為言而沈賊之寢在  
於春初其書出於六月其間露潦連月果得之階石間則紙與印跡  
寧有如新之理乎人多疑恠公與延城公上疏陳其情扶席藁  
待命於金吾門外上教曰予所不知之事如是陳辨殊甚  
不可以疏還出給洪振文繼以陳疏封上其書上下鞠廳  
鞠廳回啓曰函書中愍戎使分付守禦使傳令之說不過借重誑



誘之計為其所賣者豈有一毫干涉之嫌乎洪振文即已目見不當畧刻留置而未及上聞徑先傳播請命拿問上答

曰似涉無情姑先推考

李延陽  
謹狀

○丙戌三月賊大起兩湖間尼山人柳濯者為其魁刻日扎兵于高山約以先破全州次攻公州因直上犯京約已成未發有覺其事者公即聞于朝以便宜檄召兵使裴時亮使領兵來會及發諸邑兵分遣將校進薄賊所時營下軍投賊者過半夜軍中大驚喊聲四起中軍禹尚中恒恟不能定公堅卧不動賊黨劉敏達在公州板峙公募人生得之訊知渠帥蹤跡密檄湖南獲其尤難捕者權大用賊黨始大駭裴時亮受公節制進捕柳濯



洪振英安益信等數百人餘黨悉平 上促召公入京勩勩

因臺論而心

林判書  
壇謚狀

上曰逆變出於意外國事將何出場公對曰賊已聚兵則討  
平之策不可不急講 上曰誰可往者公曰臣雖老病職是  
搃戎捐軀報國分所當然 聖上若不以臣為不可臣請自行  
上喜曰卿今請行予無虞矣公即拜辭於榻前自闕下傳令諸  
邑使之會兵于振威直行渡江馳至振威聞諸賊皆就捕乃  
罷兵歸後 上語遼臣曰李某真知君臣之義者變起之時  
即日請行如赴樂地真忠臣也往年沈賊之變有廣州凶書  
之事予謂述平之子必不然也置之不問其時若或致疑幾



不兇害我忠臣矣國家若更有如此臣數輩復何憂乎公第  
進城公方八侍拜且泣曰臣兄弟賊名出於凶書覓死無路  
今承 聖教萬殞無恨 上曰卿等教誨子弟皆如卿等可也

陽延

謹狀

○昭顯世子之在瀋陽也頗事營造有尚方雕工慎姓人得

幸於世子々々使人請於公欲除權管公荅曰儲君不可以  
爵人私請於政官况權管乃邊將也邊將之戒何可私於尚  
方之雕工乎人多為公危之而公不少動

同上

○乙酉七月 上猝召諸大臣六卿于養和之內寢時昭顯已

卒元孫未長而姜庶人以臯遇聞 上又未豫久不視朝公

江白承命與公卿偕入 上教曰元孫幼少國危如此予欲擇



長而立之李敬輿曰世嫡承統古今之常經元孫係望於久  
已久一朝易之則反經失序惟此為大自古以冲齡嗣服而  
能成德保邦者上非一二易儲之事不可輕議金湜曰癸亥  
之舉南漢之事臣皆為宗社大計也今日何敢有他意上  
曰卿意與予同矣二子必有優劣今誰擇定湜曰此非臣下  
所敢為然立長理之順也上曰此言是矣遂以孝宗為  
儲戴敬輿又進曰殿下此舉若以私寵或以譏間而發則  
臣雖疲劣寧不以死爭之今欲為宗社擇嗣此臣所以不敢

苦爭者也

白江謚狀昇  
平全碑合錄

丙戌春

上復召諸大臣六卿于賓廳暴揚姜罪命諸臣亟



訖其律以八李景輿與諸大臣啓以全恩之說 上下嚴旨

削敬輿官爵復摘擇儲時奏對語為案加罪配珍島既到又

加罪梏棘

白江  
謚狀

上曰世子冊封時敬輿人心波蕩之說既甚無據而又於姜  
賊論罪時率多官不待批荅徑先出去此何意也公力陳其  
時事情且曰冊封時守經之論臣與敬輿無異而人心波蕩  
之說誠是忘茲豈可以妄發之說不恕其情之斷無他也

延陽  
謚狀

公以都憲啓曰姜可廢而不可殺必欲殺姜先殺臣以此大

忤

上意竄旌義

洪白石茂  
績全碑

公上劄論之曰易曰衆允悔亡今姜之罪國人皆曰可廢而



臺諫所爭只在賜死一節則衆志允於廢而不允於死也請

從臺臣之請 上下批責之

遲川行狀

姜庶人以逆論死及 上即位閔公得重上疏訟其寃 上

引見於便殿從容語其首末且曰姜之邪謀無可疑者後復

有敢言者以不道論遂下禁令適有旱灾公方為海伯上疏以為

咎在姜死 上怒甚以為護下禁令而復冒犯如此不為重

究後將不止遂拿致公親鞫天威甚震公辭氣益厲杖下顏

色不變仰呼侍立所親責其不言

金監司印 郁全碣

公興疾八侍面爭甚力 上曰卿引疾辭職今乃為引郁來

耶特命罷公引郁竟死於杖下

具綾川仁 座全碑



允庵於獨對時從容白姜嬪事 孝庙荅曰此則我家事我

宜詳知卿須信我言允庵不敢復言但白金弘郁子孫勿為

禁錮荅曰當從之初 仁庙罪姜嬪時未得罪目適趙綱自

以為伸救䟽而有曰人臣無將有將則誅雖然曖昧云々

仁庙雖黜趙綱而即取其䟽有將二字以為姜嬪罪目允庵

嘗以此斥綱云

江上問荅

姜獄後昭顯諸子無号名已亥上欲錫爵公將順其義曰足

以消灾也

上喜而從之潸淚汎瀾

洪沂川命夏全碑

○仁烈皇后之葬長陵也或云宅兆不佳及是大行之葬將  
因其地一上䟽曰前日長陵議定之時竊聞李衍主之他地



官不敢有異同而唯金百鍊者力言其地之不吉為諸地官  
所排擯其後聞為地術者多言其瑕點又聞具鳳瑞葬父之  
地李衍擇之其後十許年具鳳瑞父子皆死為無後之家及  
他士大夫家用李衍之術見敗者亦多云以此觀之則李衍  
地術全未詳明也今者因山當用之於長陵臣竊悶鬱焉

浦渚







青野漫輯卷之三

○朝紳有原洛之目洛即賊臣自點原即元相斗杓也二人各立黨士或有混被標榜者都憲趙綱與沈大亨張應一等欲假以網打異已公斥言折其心使不得售

趙松谷復陽行狀

金自點迷國誤朝方論竄黜之典則其附麗翕訛之輩不可不略加懲治以清朝著全羅監司李時萬瑞山郡守李以存副提學申冕護軍李之恒李海昌前執義嚴鼎耆廣州府尹黃永等或諂附密結不卹唾鄙或受其籠絡助成氣勢見棄清議貶辱播紳請並命削去仕版

同春集

士夫持身不可不謹勲宰名流趣向自別而禮曹叅議李行



進左承旨李時楷等出八元斗杓之門號稱狎客恬不知愧  
識者嚙鄙見棄清議請並命罷職不叙

同上

○有李彦標者為自點腹心連因虜人醞釀大禍自點又因  
譯人李馨長行謾於虜以為新王退出舊臣進用山林之人  
庚寅二月清使六人並出以查事為名上聞之大驚憂達  
夜不寐引諸臣議之公首對今其所幹雖未知某事臣受國  
厚恩敢不以身當之上曰卿若自當得以無事則幸矣如  
或輾轉有所難言則奈何公曰事機固不可預料第欲自當  
以觀之國家因得無事則微臣一身何足惜乎上初即位  
慨然厲志頗有密勿之猷而或慮事泄致其疑怒國人固已



憂之及六使並來又不知按查之為何事人情震惧或云大  
兵將至不免被髮之辱或云清陰諸公將有不測之禍朝野  
洶々翌日公八對請自往濟上以營事機仍請用左相趙翼  
言起李敬輿與議國事鄭太和雖在草土使備局往詢上  
稱善公卽西出自清人到鳳城大肆咆哮火色日急及聞公  
來喜形於色凡百六多從便三月清使入城傳勅二道一則  
九王私書求婚者也一則乃所謂皇勅而噴我以扶倭恐喝  
者也先是 仁廟末年自點為首相鄭太和為左相趙公翼  
元公斗杓李公時白為備局諸宰因東萊府使盧協慶尚監  
司李曷狀聞有倭情可疑之語因赴燕使臣請修繕城池甲



兵蓋講和時約條所禁也至是彼積疑於我欲執此生鬻甘心主事之臣公在灣時譯官李馨長密傳此事於公且曰當之者禍必不測宜引釜山小譯為證公曰彼雖末流渠實不與則何忍擠人於死以規自免生死命也自復命之夕留宿朝堂日與諸宰出八前席密講辨對之道過數日清使會公卿兩司于南別宮令列立庭中初言皇帝及撰王致祭而不謝撰王處無文書不稱號之事次言吊祭時不哭事而語輒歸責于上躬咆哮轉甚公對曰皆吾之失吾王不知也又問作表者誰趙公綱以其時禮判太學士被詰而八後乃言倭情事招李畧盧協問之協言倭情無可疑吾無狀聞傍人



舉當時事狀以證之始曰似有可疑之端曼曰吾為道臣以  
邊將所申轉聞而已清使大怒曰然則爾國與倭皆反矣何  
敢欺謾大國公徐曰倭情誠叵測而此輩恒恟失對耳清使  
厲聲曰奏文措語誰為之必國王之為也公曰吾實為之豈  
有國王自製之理鄭命壽曰此中同忝者幾人領相果獨為  
耶諸宰皆默然獨李公基祚在末席應之曰此豈首相獨為  
吾亦與焉清人叱退趙公及曷協獨留公責之曰爾今欺同  
大國其罪如何良久令出是日舉朝惶惶以為叵測之禍在  
於呼吸滿庭諸臣咸惴惴無人色家人治凶具待之館門外  
公神思整暇應對從容觀者莫不洒然清人亦相語曰東國



獨有李相一人耳 上引見曰領相為國自當人所難及李  
基祚初不與焉而獨能開口可謂賢矣諸公有媿色公即胥  
命于金吾仍上劄請亟下司敗毋令國事輾轉難處 上命  
以千金與鄭譯俾致意於北使翌日駕幸館所彼言李相欺  
罔大國趙綱撰表文皆當極刑 上為之救解反復懇至

於數四始許歸稟 皇上當更有勅令姑令梅棘於白馬山

城當其往來之衝也

白馬城在義州南即我國之絕塞也

既而朝廷以宗室女

義順公主資送于元王元斗杓申翊全為護行使令齎緩褐  
機旣到元王頗有喜色他日罷獵而歸詰責使臣曰歸告國  
王將二臣置極刑不然爾任其責使臣大惧而歸 上大驚



憂必欲曲為之地以右相李公時白為陳奏使將發或言不從彼言必有干戈之禍或云曷協可誅亦或有救曷協者時議紛々久未定時隣坪大君使北邊言臣以新服之初不忍殘先朝大臣為言而幸無咆哮上喜甚秋清使又至

上為公丐命靡所不至隣坪東還未數月而即又起復以代延陽以李基祚為副而遣之勗以必番曲全既八清人欲致二臣及曷協更查於衙門使臣力為陳乞始許並釋二臣而永勿叙用故之田里又謂李敬輿曾無叙用之命而方為首相擔當伸冤之事亦永勿叙用上遣人下教曰白馬兩臣好在耶北京之報幸莫大焉

李白軒  
行狀



上頗乘舊時濁亂之徒而眷注金清陰諸賢以為內修之規  
金自点使其徒密以告於清人亦送長陵誌文蓋誌文不  
書偽号故也清人大疑之以兵壓境而使者數輩至將詰問  
虛實自 上嗣位初兩司已請自点罪及聞虜使至大小震  
怖爭欲慰安自点冀得紓禍公與諫官趙錫胤等爭以為不  
可 上遂命自点付處而並出其二子于外方朝廷講訖誌  
文之對或以為當亟成別本刻其年号以示之公曰我國之  
事欲秘而彌彰別刻之舉彼無不知之理惟當以從前誌文  
不書年号為言矣且彼人舉措例不淺易果若詰問則是將  
真起兵端豈以我分踵而止哉或傳虜欲動撓先陵巡衛



以驗之為將奈何公曰事至於此則一國君臣當有死而已  
更有何策群議遂定虜使果不提提蓋自點山謀幾覆宗國  
而賴聖上沈機睿斷北使只以婚媾之議收果而去自是  
人心益以駭憤爭相顙斷而上以其勲舊終欲保全力爭

月餘始命遠竄

李完南  
謚狀

庚寅年間清人責我國以變易朝廷勅使十餘輩連至詰問  
以爾國公卿與前異者何也蓋金自點流竄後無可為力潛  
以我朝斥去旧臣新立局面將蓄北伐之意漏通飛語故也  
上出館所相對之際通事往復嘖言不可勝答諸公卿因知  
為說元原平斗杓即曰我國前日某宰某公皆方為某職勅



使通事之所共目見而惟一金自點貪奢不法故去年金啓  
遠竄而已此外未知何人不在朝乎勅使可歷指而言則我  
亦有對耳勅使語塞云

晦隱集

○邊士紀以金自點腹心為水原府使公

方為都憲

甚憂之啓曰昔

狄青以樞密在朝人皆稱賢而歐陽脩請罷曰唐之朱泚本  
非反者倉卒為下所迫自古為亂者未必皆其本心臣年老  
易惑不能無過慮至以無形迹人所不敢言者上瀆聰明下  
觸大臣之怒然安知過慮必不是深計也不幸有萬一之慮  
勿謂老臣不言也及自點謀叛事竟士紀果與謀狼籍人始  
服公先見之明特超三資

洪茂績全碑



京畿監司金光煜罷黜水原府使邊士紀領相李公敬輿啓  
請仍任上命監司推考未幾又置下考時自黜與士紀連  
謀為逆外議喧傳而李相與公置之曠度不以為疑公乃啓  
曰水原為邑實畿輔重鎮監司之罷黜邊士紀雖未知其意  
所在而大臣陳啓請仍聖上又命推考曾未幾何又用殿最  
有若好勝者然藩臣事軀豈容如是其不有君命輕視朝廷  
之罪不可不治請京圻監司金光煜姑先罷職傳曰觀此  
啓辭凜然有古大臣風金光煜罷職邊士紀仍任使之盡心

國事

延陽  
謚狀

自黜獄起邊士紀首出賊招自黜之子鍊即公之婿鍊與其



子世昌皆方被鞠公時居相位大義所在不得辭避判義禁  
元斗豹言於榻前曰庇護逆賊之大臣何敢叅鞠上厲聲  
曰惟予在誰敢為此言判義禁其速出去公與李相驚惶起  
出上曰予已度之卿等勿出世昌伏邦形鍊又死於訊下  
公待命闕門外上遣史官諭使八來同上

掌令李迴論公之子憫與逆賊相親請中道付處大諫李時  
楷論公之弟延城公阿附逆賊請竄黜上久不允問左相  
金公堉曰予之敦勸右相非不至矣而尚不出誠可念也左  
相對曰金官方論其弟與子右相以何心出仕乎時楷即承  
望元斗豹風旨者不可不竄逐開城留守方有窠斗豹出送



亦宜矣 上曰真大臣之言命李時稽中道付處元斗杓開  
城留守差送合不敢自安呈告不已 上答曰賊出近族之  
不幸已付之厄運於卿何有卿以先朝勲舊為國柱石清白  
其操忠赤其心何啻國人之所知實惟神明之可質云公  
之情勢萬分不安必欲遽免而 聖意愈懇不敢一向撕掇  
因命招出仕同上

○李時白字敦詩生於萬曆辛巳氣宇雄遠儀觀魁偉膂力  
絕倫而常自沈晦雖被人困辱亦不與較白沙嘗言李某以  
布衣所與遊皆聞人而人無不信愛之不知其何修而致然  
也壬戌母夫人捐世纔經成服而平城申公來吊於忠定合



語及時事一言相契申曰此事不可不與伯喪人相議而方在巨創中當俟異日忠定曰此大義也何可以常例論即招

公出與定計詎官至頌相延陽府院君庚子卒

延陽  
謚狀

丙子以守禦使專管南漢事及上幸南漢招公教曰城中

凡百未備者亦多云豈卿受任后有未盡處耶對曰臣於受任之初慮有今日之患請於體府以為事出急遽則遠邑之軍勢未及驟願從近邑而今屬焉體府不許又於五月請為合操定其信地仍為修繕以備不虞而體府又不許至七月又請合操而又不許臣乃不得已請對陳達僅以圻內所屬之軍一番夜操仍造若干土幕積若干柴草而還到今如此



臣亦無奈何體府聞之大怒托以他事拿公杖以別棍流血而後止人無不驚駭公略無忿恨色

同上

公之居第即忠定公所受賜者階上舊有一朵名花名曰金縵洛陽紅世傳來自中華忽有人率役夫來公詰其由乃大殿別監承上命欲採移其花公自往花間并取其根接碎之垂涕而言曰今日國勢莫保朝暮主上之不求賢而求此花何也吾不忍以花媚君而見國之亡復以此意啓達也後上待公益厚嘉其進規之意也

同上

已丑上與世子出御魚水堂命分等數人入侍酒饌皆自內出上親執酌問曰兵判酒量幾何分對曰臣本不能飲



又常抱病尤未飲也

上曰卿病實由於南漢之勤勞矣孟行

到公公不能卒酌

上問內豎以盡飲與否

上又御一爵

而勸公顧世子曰汝亦執一爵公惶感卒飲

上問曰卿之

子若孫幾何公舉數而對

上曰若是之多而不務科業何

也如欲擔當國事則雖武科可也先卿之於國事竭忠盡心

至今不能忘也公曰臣任水原時歸覲先臣々々問臣何以

為治臣答謂近聞有人言於某人曰水原日夜治兵其心不

可測云人心至此雖欲盡誠於國事其勢亦難矣先臣聞言

而起拿臣下庭曰君父不諒汝無能授汝以重任在汝分義

只當盡其誠心而已汝身何可顧也人言何可慮也聞人妄



語將欲廢汝職事耶怒甚且杖之為族人所挽而止先臣未  
死之前只知有國今承 聖教不勝感泣 上嗟歎良久顧

謂世子曰此人我視如股肱汝於異日待之如我

同上

公將赴燕 上教曰右相素多疾病不可無良醫之調護別

擇醫術精明者使之持藥物隨行又招內醫梁濟臣於差備  
門特為遣汝之意汝其知之乎汝須竭盡心力善為調護到

處勿懈以副予望

同上

至箕城大同門前成一妓陣紅粉照耀公曰丙子後謂西路  
蕩殘無餘今未見此大是異事庶尹劉曰亂後官妓惟有老  
病者使星之行常不成樣茲選各邑官婢中有姿技者移屬



本府又使其族屬助給其衣裳矣公怒曰庶尹之設為字民耶為媚悅使行耶當此時而為此事極可駭也即揮退之招監司責之曰此豈設妓樂時耶非不欲啓聞治罪而公姑置之須臾今日散還母或遲違也聞者感歎同上

○王子澂之母趙與金自點為表裡潛蓄不軌而自點孫婦又趙出也凶謀尤著上以至親故不忍一斷於法公雖以獄體引正不抗而至上教恩惻又必將順以成聖主屈

法伸恩之義故趙之子女至今全安焉

李完南誌狀

龍

自點孫浩城尉世龍

妻之行凶孰與淮南之謀叛二善之不與謀無

異鳳桂之無故朱子於淮南嘗譏其徙蜀而致死則通與蜀



雖有遠近之殊而其徙其霧露之毒一也以朱子之論揆之

則龍妻猶不可徙况二善乎

七奄集與李完南書

○壬辰有徐忤獄語涉隣坪大君忤既誅而 上怒猶未已

公方長諫院進言於前席曰柳道三之稱臣於大君固無情

妄發然其私見大君邦有禁令請罷之 上震怒曰此即教

忤上寢者也即嚴鞠施一次刑又命加刑舉朝震怖司諫尹

鐫獨啓爭之館閣諸人及大臣前後力救減死絕島安置居

一月而蒙赦

俞徹全碑

○兵判元斗杓備酒饌張妓樂於領相家重臣何敢以酒饌

妓樂媚悅大臣、、亦何可安而受之乎

李相國尚真疏



○癸巳閏點金澄叅翰林薦先進趙公汝陽李公端相不許  
掌令徐元履欲并彈主薦者及先進之不許者掌令任善伯  
持不肯徐公引避有曰朋從之私莫非所親翰苑乃外育之  
初程語多不擇群訖大駭而 上褒以忠君愛國擢拜執義  
趙大憲錫敵以混請推考不可謂辨是非與諸僚劾之被嚴  
旨大諫睦行善因處置請遞趙都憲校理李恭淵斥行善逢  
迎 上益怒命下李公吏明日玉堂洪處尹金始振請勿罷  
恭淵而罷行善職 上命玉堂八侍處尹等陳徐元履之失  
仍論行善窺 上意過公論 上怒命處尹等出又問公曰  
承旨意何如公始欲委曲敷奏語未了 上益怒曰無他言



只言罷行善是非乃對曰論救恭淵所以非行善也 上又

怒曰甬上有名望者也仍斥公出又下嚴旨謂公護黨命遠

竄三水後改興海趙錫胤鍾城府使

朴久堂長  
遠謚狀

徐元履充進善素蔑學識進講多錯公屢摘其謬已而為金

官言事多迎合公又言其不正元履大恨會閔點薦翰林公

以點曾為醜正之論遏之元履揣 上素惡朝臣以同異為

進退遂來時許于 上上震怒曰趙某敢以私憤阻塞無故

之人特命罷公趙樂靜上疏言點傳會邪論詆辱先賢是可

置之於萬世公論之地乎

趙松谷復  
陽行狀

○東西名目實自 宣廟初年先正臣李珥欲調劑之不專



用一邊遂為許綬等所攻自李珣死至反正前四十年間皆  
東人執柄之日西人長被排擯中間雖或有因變故暫入之  
時旋即斥退至反正之後先王誅戮昏朝助惡之人遂取  
反正時有勲勞者及昏朝斥退之人而用之西人乃得立於  
朝以至今日矣然西人得志之後南人小北皆與之並立於  
朝三司銓曹無不共之夫東人得志之日西人不得小通清  
路而西人當朝通用如此正宜無所憾恨而乃常懷憎疾每  
每乘時傾陷此其心必盡逐西人而專用自已朋輩乃為足

也

趙浦  
渚疏

○已丑秋館儒請二先生從祀時金慎齋承召在京余往見



言其非時慎齋曰儒生輩不度時宜欲有所論恐其無益有  
害左右言于諸人使之中輟則何幸余退而見申兄最語之  
恐余言之不重藉金公以動之申兄已入其儕流之說如水  
投石䟽上上斬其請李象震及柳稷䟽誣辱十陪於乙亥  
時儒生浮慕山人如癡如狂無不服膺若守功令獨於從祀  
大論乃違長德之言卒舉事顛倒狼狽可勝惜哉

南溪集

己丑冬館儒洪熾等上䟽請以西賢并從祀䟽累上不許嶺  
南人柳稷亦上䟽詆誣二人得罪名教俱不當從祀館儒李  
伯璘遂削柳稷名儒籍時朝廷將取士設圓點于泮宮齋任  
李弘相不議于諸生付黃柳稷為嶺論者睦來善李喜年等



四十餘人遂相牽出去弘相等不能獨在亦退大司成鄭維城以此意移文禮曹：：啓言莫重設點之舉不可以此中輟且令本館仍行而期於和協已蒙允持平睦兼善啓其由大攻維城及禮官皆徇偏黨之論且言館儒誤事柳稷不可罪上乃下予亦駭異之教維城亦疏言兼善誣罔之狀館儒申命圭等遂因此捲堂而去上令禮曹判書吳竣詣泮宮敦諭先出人朴承後等上疏言臣等非為柳稷付黃蓋有関廉恥以致先出云付黃之事既哉上意專欲調劑時嶺伯閔應協以本道儒生為柳稷得罪不欲赴舉事馳啓於是領議政李敬輿乃啓言可去稷付黃以安嶺人之心亦依先以



下使大司成李厚源以此開諭于諸生館佾金壽恒等以為  
柳援付黃本出土林共公之論決不敢承命 上有方命化  
外民之教壽恒等乃辭聖廟行四拜而去 上累遣承旨禮  
官敦諭七月館佾朴世采等上疏陳前後曲折及定是非之說  
上斥之儒生等以 上累度開諭承命入泮遂上章云：疏  
八 上命出給因 教曰若非朝廷大臣所可指揮有何上  
章之事耶承旨李之恒等略以佾疏不可出給之意傳啓批  
曰予與大臣俱昧事体以至如此予甚愧忤無以為答也壽  
恒退諷于諸生又空館而去 上震怒翌日召諸大臣三司  
備局堂上面諭以館佾事云：且曰儒生每以定是非為言



吾知兩臣從祀決不可為甬王色甚厲吏曹判書韓興一進  
曰今此儒生輩皆年少浮薄之徒無行無義甚於光海時大  
司成李厚源略陳䟽儒本意 上每以偏黨為教諸臣不敢  
出言而退居五六日右議政趙翼上䟽言 聖廟久虛甚為  
未安同知館事尹順之及李厚源等亦劄言不宜待儒生如  
是 上降批毋慮百餘言大要目儒生以無行無義館學之  
罪人決不可自朝廷開諭云趙翼遂詣泮宮招諭不叅䟽者  
李樞、乃八泮與李伯璘等上䟽略救䟽儀語多承順 上  
亦下溫批猶以世采等為狂妄底人八月大司憲趙錫胤上  
䟽下論館儀及巔人是非自公卿以下畏 上震怒無敢言



此事者錫胤始䟽言朴世采等所言本非過激事出不已又  
有空館之舉自 上震置太過恐非待士之道巖人不識先  
賢道學妄加詆斥雖不赴舉無損於國家且 上前則頗有  
兩賢從祀之意到今展轉以為決然不可者極是不當云後  
因引見錫胤復以前意白之 上亦不加斥而頌相李敬輿  
猶持去黃之議群臣皆從錫胤 上終右敬輿所言矣  
南澤集  
○先生諱集字士剛姓金号慎獨沙溪之子生於萬曆甲戌  
辛卯進士庚戌授叅奉即免癸亥反正遷臣白置全憲之任  
先生息辭乞便養拜扶餘臨陂甲戌拜持平戊寅拜執義辭  
遞冬庶弟果被人誣告禍且不測先生舁疾入京待命 上



教曰杲固有妄言之罪為其父兄皆賢者故特原之於是先生感泣而退已卯陞承旨丙戌尼山賊柳濯等謀作亂謂其徒曰金承旨廬不可過上聞之謂巡臣曰凶徒亦知賢者之可畏憚孝廟已丑特陞禮曹叅判吏批以格外陳稟

上教曰稽古讀書之人招之何用似不當拘於常規也先生上疏乞改正溫批不許三疏下該曹訖該曹請遞上教曰禮曹堂上法典既無必用文官之語有何他訖勿遞四疏又不許病告許遞連拜都憲上疏乞歸上特召先生從子承旨金益熙引入寢殿展先生疏於前欲為批荅則似涉文具甫其往諭予意勸留之所以遣子房者冀其善諭予意故



也俄拜吏判庚寅右相金公墳請行湖西大同法與先生意相忤先生陳疏退歸癸巳陞崇政甲午拜判中樞府事卒年

八十一

慎獨齋  
謚狀

慎獨齋夫人俞氏性不慧不能備夫婦之道遂得栗谷庶女為小室賢而且善女工事公甚謹及後俞夫人歿沙溪謂慎齋可以後娶生子為承重計心喜之久後招慎齋語之曰集甬今妻亡可以謀後娶豈非宗祀之幸耶慎齋方侍坐起而拜謹對曰子亦非不自念但思人各有命之既不好得前人為配終身困苦今雖改娶安知其必愈於前人耶蓋安於小室之賢無他意也沙溪素重愛慎齋平日未嘗違其意及聞



此言憮然久之。無如之何也。宗事遂不成。後在華陽洞與  
尤翁語及此事。余曰。何不取兄弟子為後乎。曰。亦嘗以此屢  
質之。終不見聽。至今未曉也。大抵慎翁之意。以為與夫人無  
夫婦之道。不過為俞家一處子云爾。遺命與已各廟。然慎翁  
亦既生而養之於家。死而又為之服。獨於合廟立後而不然。  
則未知或有其義否耶。南溪集

謹按禮莫大於分。分莫大於宗統。故嫡嫡相承。以奉宗祀。  
卽古今通義也。支固不可棄宗。而嫡亦何敢擅以宗與人。  
使太伯伯夷不有父命。必不敢私自相讓。以此先儒疑之。  
於伊川事而謂或。是程太中遺意。余於慎翁之不立後。亦



嘗訝惑意或有沙溪之命而在太中終非恰當道理又不  
無致惑於沙溪之處置者今見南溪所記則沙翁使之後  
娶生子而慎齋安於小室而不肯云小室雖賢終不可使  
其子承宗祀則為小室之善事我而不念宗祀之重者其  
於義理輕重果如何乎前後妻之賢否未必皆同則其所  
謂今雖改娶安知必愈於前人者終不得其何說也沙翁  
之憮然而不能強者不出於姑息之愛而終非斷之以大  
義者以沙慎兩先生為父子而大處之失當如此尤相之  
未晚者恐不但立後而已也且謂之俞家一處子而遺  
命各庙者恐上大失禮意世或有既醮而死者其將以此



謂之非夫非妻而不同穴不同廟乎南溪之謂或有其義者恐亦為賢者諱之意也

慎齋當昏朝時家甚窶祭祀無以成樣每行時祭饌至有一位乾石魚一尾在誠不在物亦可為後人法

南溪集

○李君輔嘗謂余曰昔在孝廟朝辟左右承旨翰注獨引見尤齋於深室終日而出吾兄其時為翰林乃見尤齋曰密室獨對史官不與焉其時說話不可不登諸史筆傳於後世史官何可不知耶若錄示其日說話則書諸史冊後本草當還納座下矣君臣密語亦何敢煩說於外間也望須勿疑錄賜云則其日說話乃書給矣余於其時略聞則孝廟曰國



恥不可不雪將收拾民心後當舉義討賊即令民弊某事事  
事中何者為可祛而何以則人心收拾軍政亦可以變而治  
養耶凡百逐条下問者多而終不能一事仰對只對曰克  
修聖德則庶事可治孝廟曰修德則在予當從今克修  
然軍事民政不可徒修德而束手望治將某事何以辦之某  
政何以治之某事何以整之縷々下問而亦終不對只曰修  
德則人才自出庶政自治云厥後聞之則其日以不能明對  
之故上心泄泄云矣

明村尹公  
雜錄

○負建鼓而驚眠歟實非刺虎之方也不知左右以今日為  
猶有可為耶謂不可為則不必為無益之言謂猶有可為則



亦不當先泄其群以害機事也不計時事之可為不可為而只作好言語以快一時之聽聞以賭後人之稱許云爾則決非君子好謀而成之義也又曰無一著實舉措而只散復訾之說者亦非今日之大弊乎

魯西興  
左菴書

孝廟八彼國時彼之南戰北鬪皆得隨行故虜之兵戈技芸將即能否皆習知之惟龍骨大馬夫大八王九王四箇漢為不可當底英雄而孝廟在彼時龍馬八王皆死惟九王在蓋孝廟登極殆將十年而猶不敢為北伐之舉者以其忌九王之難敵也丙申年九王死孝廟以為無足畏者遂於戊戌與左菴密勿經營而未滿一歲奄忽昇遐天乎痛哉



蓋孝廟亦以為衆寡不敵不可長馳惟養兵蓄財閉關絕約如又不能則內備修攘外存羈縻以待彼衅欲為迎擊蓋孝廟志也云云

江上問答

趙滄江嘗曰今以復讐雪恥為言者決不可行君子豈有心知必不可成而漫為外言自欺而欺君者乎

晦隱集

○市南蒙恩之初一家姻婭即皆登政非徒市南家而已草廬亦然鄙等家亦然執事之處市南如此故人之處執事者不過如流俗私情宣惠即廳衆所辟首處而竟故於仲氏衛司初八有力所能占而洪令為誠甫留之莫謂不出已手俗眼奚翅十目妄意以為宣惠即廳即棄不行然後俗人之私



竇可塞

魯西興  
左菴書

○孝廟時尹鐫盜名自重屢招不起上將許以布衣八見

公時任承旨白上曰鐫之實地上未必自知其如何今

乃以一人之譽輕加曠世之異數後若不副其名則奈何乃

以左菴判銓時又欲超八資擬進善望公時同政席曰此不

但有違政規吾且知其人決不可用爭之甚力宋公不能奪

一時右鐫者譁然攻之至有勸宋公斥去公即辭遞銓職

曹漢

英全  
碑

已亥春尹鐫奪人墓地諸名流皆直鐫公獨與金公佐明斥

其姦狀衆謗喧騰而公不為動

洪沂川  
全碑



聞希仲訟事執事登對直請不必審克而直為斷案云信否

果然則此非但有害於事理實非愛希仲之道也

魯西興  
在菴書

訟官方督見而兄欲不應云豈以不應欲明初無起訟之意  
耶此則尤錯兄真有不應之意則末疏中明陳不欲訟之意  
使上下知我本心可也不此之圖及乎訟官督見之後公然  
不應寧有是事訟命與召命不同召命則雖違有其義訟命  
則不敢不應兄又言訟之而勝則無迂濫之事觀於此言則  
兄無應訟之氣而其意則固欲坐而待勝矣兄不自應訟則  
無可勝之踞兄意不過欲使諸公八告而直為斷決之耶若  
或一毫有此意則千萬不是救災恤患雖是朋友之職而亦



非謂不分事理同然和附如小人之黨也若使諸公誦於  
朝右此而屈彼則雖狀兄心顧於訟理何如哉已不應訟而  
朋友助成則在兄之道亦安免要上壓下之譏也

魯西与尹鑄書

○以為進善之職不下於說書因此可以出八經遙今見兄

書則似以為不敢以待伊川者待希而

宋朝加伊川以官爵而末教則以為不可

加於希故云

惟燕昭待郭者然後乃宜云當初愚劣識不到此不

勝愧服也若果陳請則當曰某人已除服請使人慰之耶當

尊宮師事之耶抑當親臨見之云耶

密聞希徒以為自上就見不敢召見故云

左菴集与美村書

所謂懷川答書曾未見聞者所謂請使人慰之耶尊宮師事



之耶親臨見之耶等語皆是不平之語先人書豈欲其如此耶既以先人為尊信於鑄故為此張皇也依川書札之來此者固多見逸如此書辭則全未記得先人書中所謂通其論議者謂朋友間採取其論議云尔豈謂待以賓師不煩以職事之意耶所謂迫於群議屈意而用之云者甚苟若真以為斯文亂賊不待行凶作惡而一毛一髮無非罪逆云則雖迫於群議安有置之講官之理乎當其請仍授進善也以此等人當以格外用之之語自啓於榻前若其時已以亂賊視鑄則亦安有此言然自宋子慎疏已設此故咎之端以為依川出脫之路還可笑也

明倫彙編  
良佐書



○衛護

聖躬在否慎重而咫尺用鈿鈿銕衣羅拜陵之行

御手催鞭清齋之日馳騁耀武且狹袖短衣新制弓鈿皆是  
彼制而都忘在宮并其衣服器械而慕效之不啻若伊川之

野祭云々

李相國  
尚真疏

、大行髻腫不輕針醫中可貴下針始安膿汴少許而繼而

湧血數斗蓋下針在朝而

昇遐在巳時矣

左菴集與  
鄭澹書

大漸時三公以下皆會于闕庭環藥爐蹲坐于地中官自內

急走來曰似将有顧命矣賤臣與鄭相急起趨入則左相以

下亦隨以八至于榻前則上已昇遐而中宮世子已發

哭矣中宮設屏於御榻西北面而避入擗踊群臣遂環繞



于御榻而哭既而以 世子尚在西廡 中宮所處至近故  
皆即哭出臣僚之在闕內者皆紮哀小歛時大臣以下請入  
視歛自內不許都憲李應蕃伏閣泣請良久始許大臣以下  
入視則歛已訖矣而下體左邊短縮於右問于鄭善興曰何  
故如是耶曰此是去年受傷處故如許矣遂與善興開展下  
末衣衾而疊御衣一襲補其短縮處而歛之以衾則左右齊  
整矣賤臣曰禮小歛而不結以絞者冀幸更生欲時見面故  
也然私家則必須畢歛然後始可量度而棺可制也今大喪  
則梓宮預備當依禮不結絞矣直出于梓宮處奉審則濶狹  
與歛大不稱矣即招次知內官以細竹量度而來其濶跨于



梓宮牆外而有餘矣賤臣卽告于頌相曰此將奈何頌相大驚卽以此入達于世子齊八奉審則果極壯大或疑其歛衣太厚奉按兩肩則所襲者甚薄故明知其肩胛矣諸公遂出伏庶下頌相達曰岡極之中尤有岡極之事梓宮將不可用矣令曰岡極々々將若之何頌相曰雖廣求大板決知其不可得臣意則連板之外無策矣令曰復善思而亟爲之遂出而會于一處李領府事曰如欲他求非鄭善興則不可善興跪于諸公之前曰玉體兩肩之間甚濶故常以萬歲之後為憂矣及至歛襲時於肩上不敢厚襲矣因自按其左肩曰今若按其兩肩則可知衣之厚薄矣李相曰奉審時果



如是矣善興以歸咎襲歟為憂為自明之說矣善興因曰小人雖往如許大板必不可得領一邊急連板似可矣領相遂以連板事付之迤城君李時昉則領吏而成矣

左卷集

○已亥 孝宗昇遐尹善道力主水原府治後岡之可用諸地師亦靡然無異語 上八其言大臣重臣相繼陳疏以為輕犯五患撤去一大關防是不可之大者自 上有如此疏勿捧之教公乃上劄力爭曰水原地勢平曠田野膏沃而正當三路輻湊之衝宗四通五達之郊也先佞所論五患未有

大於此仍論 英陵倚弘濟洞之可用 上荅曰如洛洞果有非常異瑞則封 英陵二百年後所用諸 陵果皆倍勝



於弘濟洞乎且此地路遠人子情理似不可用時 聖心堅  
定水源役事已始中外無不悶鬱公五上劄極論諸臣亦多  
力爭者 上意亦悟改卜於 健元陵內即今所用 寧陵

也

延陽  
謚狀

癸丑宗室靈林令翼秀遂上疏言曰 寧陵封筭有罅請速

遷陵

上命公卿三司齊進奉審

明谷  
集

李氏台監才入政府以每事繩糾不當 聖心竟至狼狽蒼

黃士林之缺望如何可言幸執事絀之足慰輿情矣第覩

聖意陞擢不取其所可畏而取其所可愛不取其能補吾過  
而必欲其能適音意足以使人慚惶而却顧矣國家不幸



陵寢之事奄興盈庭臣僚反出宗班之下其為差恥寧有極乎然竊伏念庚子聖上親自奉審之時不為改封而因補罅隙實出聖斷而諸臣唯諾而已至於今日聖上乃無一言自反之語專責諸臣此豈聖人省己反身躬自厚薄責人之道耶執事雖嫌於以此為言都俞之際不可不以自家羈對昭公之意密進規戒且竊伏念庚子以後聖上連以違豫廢閣展陵然溫泉則逐年行幸此不能無契於識者之心也庚子以後若更有親審之舉則豈有今日之事而亦未聞有自反之辭亦恐於聖德有慊也今日啟沃開悟之責專在於執事恐不可以新當重負而有詆囁嚅也新陵



果吉何幸當初水原之說發於一二人之口而皆故咎於賤臣以為如用水原則寧有此事果由卜地不靈之致則賤臣雖萬被誅戮宗所甘心矣當初賤臣實不以水原為非而亦不以寧陵為吉蓋魯於地術故只慣聞弘濟洞矣

自古補以聖人葬地又聞常有紫氣見於其上故嘗力陳於榻前而蒙許矣然以今日事勢觀之則似當故宿於水原矣今日若以寧陵為不佳之地而欲改之則誰敢有異議哉然則亦當如朱子說求之當不拘遠近矣不可只於近圻苟且了當也當初一聖意以弘濟洞為遠不用云如是則又有說若寧陵之近而不能展省其弘濟洞何異哉



○孝宗昇遐 慈懿王大妃當為 大行制服而國制曰子  
晷該曹將據此定以為晷矣或有言晷非禮當為三年者宋  
時烈以贊善在廷又引儀禮賈公彥疏中四種不得為三年  
之說以擬之公聞之揮手止時烈曰古禮吾不知今用之者  
國制也吾則惟當以 祖宗朝所行者為對耳該曹以服  
制事來問公遂與領敦寧李景奭左議政沈之源延陽府院  
君李時白完南府院君李厚源原平府院君元斗杓同獻議  
曰臣等雖不曉古禮考之時王之制似當為晷年之服 王  
世子遂命從大臣之議庚子掌令許穆始疏論 大妃晷服  
非古禮請行三年之制 上復問于大臣公以為 貞熹王



后之於 睿宗大王 文定王后之於 仁宗大王必有已  
行之禮請皆考出 上依公議考之實錄則 貞熹宗行碁  
年之制 文定事無徵八侍諸臣又皆以為宜從 先王已  
行之制五月右相元斗杓上疏請行三年之制仍復問于李  
惟恭沈光洙許厚尹宣舉尹鑄等諸臣則諸臣所對多游辭  
不明 上遂置之前判書趙綱上疏論禮且言尹善道無罪  
時宋時烈因赴哭 孝庙再祭至京謁 上引罪自陳大喪  
之初臣始發四種之說鄭某聞即大驚以為亦不可用到今  
思之其人之先見不可及云 鄭陽坡謚狀  
愚以四種說連貼國制象子期之說而為言則鄭相太和沈



相之源李領府事景奭皆不用愚言而其所獻之議但言國制則是不分長久之期矣惟鄭相維城篤信愚陋故以四種及國制合而獻議則先王批以從多議施行矣

左菴集與李李周書

已亥論禮時尤公初欲從公之議定為三年之制李惟恭激動尤公使之排羣議而立已見其後尹善道疏專主齊喪三年公則自初執斬衰之說兩說自別而宋黨謂公其海尹合勢而搆禍於兩宋可笑

紹江遺事

進善尹鑄教掌令許穆再上疏鑄又以宗統之說激動公聽又以危語獻議微撼上意上自縉紳莫不疑懼公上劄曰今日宗統之說憑藉論禮設機甚深必待服必三年而後其



統乃傳則國家之統不絕者幾希矣疏家列出四種不斬之說而主祀傳重之義昭著於其間則曷嘗以服之輕重而有

貳宗絕統之嫌哉

俞市南墓碑

嘗以已亥禮論問于明齋則曰已亥先人入都時有書于不肖曰大妃服制以暮服為之而一說以為當為三年之制客中無書冊不得詳考汝須詳考諸書以報也不肖則取儀禮註疏及退溪高峯諸書見之則儀禮疏所謂嫡妻所生弟二長子亦名長子之說似分明而高峯所論似直截故不能深思即以書復于先人曰禮疏及高峯所論如此三年之制似是矣其後先人不復可否過國葬後先人下來而不復



言及不肖亦無更稟明年 國練時春翁有書于先人曰禮  
訟復起未知事將如何也先人見書而謂不肖曰此必服制  
事也必驪之所為也遂命出仅禮及諸書更考之龍西叔父  
亦適會與之數日討究反復論下見得亦名長子之說有多  
少窒礙推不去者終不如四種之說之有據無疑於是定其  
是非而以驪之即當為咄歎矣已而得見許疏及邸報果是  
服制事也其後不肖往懷川則總憲訖矣出示其訖草曰尊  
丈之見如何不肖俱言前後所見如右所論則懷川曰如此  
則吾誤答市南矣前年在京時尊丈自圻八城過余曰服制  
事當以希說為是余聞尊丈之言如此故昨者市南使余訖



於尊丈而獻議而吾答曰義村已從希說無可議云云今聞  
君言吾誤答矣蓋先人見不肖所復意以為必詳考禮書而  
言於懷川如此也其後聞之則懷川答布南書以為義村之  
於驪不問是非而從之云其發於念懷已如此驪以為先人  
見屈於懷川而變其見也又以不肖為黨於懷川而誤先人  
也此事曲折如此云云

明村  
雜錄

孝廟之喪王大妃服制大臣引明制母為長子暮之文  
定為暮服是歲夏掌令許穆陳疏以暮服為非是請因練日  
改為齊衰三年命叔議於佞臣元菴同春二合主禮疏四種  
之說獻議辨其謬而公則以穆說為是已而尹善道投疏主



三年之論而專攻兩宋語意凶險蓋善道觀士林議岐托於  
論禮而為逞禍之計也尤菴先已去國同春又蒼黃出城朝  
野莫不駭憤兩司遂請善道按律公請尤菴曰堯舜之時立  
誹謗之木既曰誹謗則其中不道之言必多未聞稷契聞其  
謗而遽退也尤菴不聽又與同春書曰願遭逆境用為增益  
之資云々又上疏言善道譖媚之狀雖極可惡而聖主當  
隱其惡以來天下之言也政院詆斥而後啓之翌日三司以  
公為救護善道請罷戊申同春造朝言於上曰某不可終  
棄也遂拜左尹

權炭翁  
行狀

唐虞之世固有謗木矣獨不有四罪乎既謂之謗既謂之媚



嫉則以敢言褒之不亦相戾乎敢於直言則固可謂敢言之  
士也敢於讒媚亦可謂士乎師傳之義固重而古人有請斬馬  
鈞斷其頭者其罪可誅則何有於師傳至於以善道宥否可  
決我之去就尤恨其不自重也至於其人心術累言於次仁  
兄而終不以為是且以為善人直至今日讒言狼籍五尺之  
童皆見其肺肝而以我門下之明猶不悟至欲比之於敢言  
之士而不覺自陷於奸譖之坑塹奈何又曰今此服制之論  
只恃聖明之在上故敢爭嫡庶之別無所諱忌此實臣  
民之所共嘉悅處也何故必欲說到難言之地以危動群心使  
知之者憂其不祥不知者指以凶險畢竟讒賊之疏乘隙而



起此已不勝其可慨矣及海䟽之出也假托禮論陰試斬伐  
之計微我聖明則魚肉士林在其手中矣當此時也閉口  
歛跡如避蛇蝎之不暇而豈料褰裳濡足以趨之哉又曰服  
制一事何其於宗社安危而彼䟽三舉宗統嫡統之說者  
直欲置人於滅族之地而以快一時之私忿其亦惜矣又曰  
今此巔人至以陰棄嫡統貶謫君父陷人於不測之地推究其  
所以為說則盡從貳宗卑主四字中演出來驪江之回頭固  
知其難望而以門下之明見亦且漸合於彼而日難於此豈  
非閔夫時運事也三年之禮雖同異互爭至於十年或彼是  
此非亦何大害之有也非欲請變三年之見而為期年之計



也大抵此事已成大判互相攻擊釀出無限禍機環視其初特一小無閑緊之服制一事而已此果何樣可笑可恠事耶

良可太息

明齋與  
炭翁書

請以奉質於尤春二函犬者復之設使謗人得志戕害士林如衮貞之為則當此時也炭翁之必不為其黨而將返救士林同被其罪如柳從雲李希醇之事無疑也春犬蓋不以拯言為不然尤翁則以為思誠雖小人引八為己黨亦必掉脫不八云夫既如是則今日之無與謗人禍士林之心可知矣

明齋與  
草序書

庚子尹善道疏斥宋之誤禮不遺餘力因此大生風波起朝



必欲殺之公曰此老才豪氣鹿平日眇視英甫輩今因誤禮而廢此不平之言但其為說殊欠精當矣然而大頭腦處宗有不可奪者

驪江遺事

議禮之初朋友有問則答之乃常也及乎傾危之說幻出陷人之穽則明者所宜失色而却走處也高明所謂憂憤二字尤所未曉國家存亡在於頃刻之事則被髮纓冠所不當避也禮訟雖大不過一春官之任也則高明之不堪憂憤無乃太多事者乎以顏子而不閉其戶以憑婦而攘臂下車藉炎炎之手而主堂之論宗是甘陵之餘習也冲菴復祀之疏竟為已卯之禍胎今此礼訟之末安知不為士林之深憂乎



天必祚宋寧有此患而世變無窮人心難保高明其亦熟思  
之高明其人書每以泚頽反繫為言前後疏章亦以此痛告  
于君父矣防墓未修之前其聞國政決無是理高明何不諒  
此而妄入於是非叢中重被上下之疑乎敵人方張將擄殺  
我而其國散兵助敵人之後則其為其國有愛我之心而不  
以矛戟從事乎草令所謂殺渠云者可見其驚急之狀即觀  
士友之素厚高明者莫不視高明為癘疾人駭走而不敢近高  
明尚不覺悟反咎草令此所謂膏弓欲射而責其垂涕泣  
者也許憲之疏欲辨庶字之疑則固據經傳註疏而為言雖  
十往返不害為問辨之一事高明所謂論則宗出於經傳註疏



之外雖欲其之反復亦不可得也况今禮論則已歸釜蹄而傾危之說使人氣塞高明有以諒之也又曰欲挽江漢之水

滌盡高明滿身垢污高明其亦惕然自覺於斯乎

魯西舟尹希仲書

高明試論希仲平生自擬何等人物而今居何等地頭欲做何等事業耶左台始推希為伯夷中疑希為象山終斥希為衮貞三者皆過當矣愚則始謂希為耿介中謂希為過越終謂希為輕脫自謂深得希仲之心而然念世變無窮人心難保輕脫者或未免為他人之所作弄則不可說也今有灼約處子治容而倚市門則人其不以誨淫賤之乎雖欲自主好議論不過為娼家之講禮也高明不此之思徒以疑謗過



情若為明飾者然恐非真知處希仲者也

魯西每  
炭翁書

弟之愛慕希仲者專信其為灼約處子乃今反倚於市門苟  
欲如此則何必愆期於歸妹之日乎渠縱自謂我不誨淫人  
必不之信矣倡家之講禮雖有周公之義亦難見許況其斬  
衰無稽之論乎渠不量已分不審交際妄與人事自落坑塹  
不過為輕脫之病所坐乃曰事係宗社安危不得不出位  
而言之云々人即益大駭愕遂以衮貞目之兄則以希為猶  
可信處士之介節乎始則三顧恩勤猶將堅卧終則一麾挫  
人若撻於市躁靜高下判若二人痛惜之情如身蒙不潔也

魯西與  
樞書



已亥 大喪時公首發三年之論而庚子許尹疏論期年之  
失尹則其論多祖述公之說且斥宋之不是處極其狼藉朝  
廷斥以謀害儒臣而竄于北邊自是允執三年之說者必以  
奸人目之平日與公相親者稍引去獨元廣州斗樞閔  
掌令光燾金和順克亨張叅議善冲終始交道不渝尹  
美村則畏宋之氣焰雖不告絕亦不往來只慶吊而已

江驪

遺事

已庚以後仕于朝者搆誣公則必得清選與公相親則必廢  
錮故世之人以誣陷公為發身之媒矣閔相鼎重少從學於  
公無異親父兄尊室於公之驪江寓舍之側以居及庚子以



後始為絕跡於門下而中心則未忍便訣辛丑聞公之移葬  
其親送書致賻以示眷仁之意公答以君既畏時而不敢來  
見則無致賻之義斥之不受後遇閔於閔掌令光燭座上閔  
甚有欣牽之色公責之曰既與我相絕則致賻無義不知我  
過惡則又無可絕之義君之於我交際極為無名矣且頃  
聞英甫被徵入京時都中士大夫傾城往迎于津頭而君以  
衰經之人趨奔其間云何不自重如是閔憮然不答而有恨  
色

吐

公之所著禪縉說大意謂舜禹既縉堯舜之位則大統已歸  
於舜禹不當復歸嫡統於朱均云云時金生榦者往來公之



門竊之以歸敵于尤相為自媒之計宋黨見之益怒視公如

仇敵矣

同上

驪江之自立已說以異於朱子之訓者其於吾儒家法不可  
謂同矣况其徒之痴妄者轉相誇耀曰白湖之見高於朱子  
肆然公誦兄謂此氣象可謂甘苦相濟同歸於可口耶驪之  
斬袞之說又是掀天動地底兒樣令人魄奪不知所以為說

尤庵集與

曹西書

○公於中庸大學尚書洪範註解頗致疑於先儒立說嘗自  
為註釋書之冊子曰吾之所著非欲與朱訓立異乃記疑耳  
設使我生於朱夫子之時執弟子之禮亦不敢苟且雷同都



不反求而只加贊歎而已必且反復問難思之又思夜以繼  
日期於爛熳同歸矣若都不起疑含糊雷同則其所尊信者  
歸於虛偽矣朱子豈如是也且吾所著非欲其行世只欲與  
朋友講論以俟他日見得之漸進而近有宋英甫斥以異端  
蓋英甫之學曾不設疑而惟朱訓則混稱不可容疑雖日尊  
信而豈是實見得也又曰吾東退溪先生一從朱子為理學  
之宗而初頭之功豈如英甫之曾不起疑而混如雷同也  
駱江遺事  
鑄方矯情飾行盜竊聲譽一時名士皆慕其之交宣舉之於  
鑄其契分亦未嘗不厚也及夫庚子禮訟之作鑄實主三年  
之論而尹善道之疏祖述鑄語以為家禍之計時烈謂鑄之



為禮說實欲殺已而善道亦其所喉宣舉以為鑄誠妄矣而  
謂有禍心則其跡未著不可臆逞而斷之况以禮訟為邦禁  
則尤人情之所不厭也既以此深戒時烈而又謂鑄本一處  
士至還納告身自處如此而今乃依合相門主張邦禮攘臂  
於讒賊之間是大失身為書坊責之左右告戒冀以息爭而  
鑄既傲然自是不受規戒而時烈則又疑宣舉扶此抑彼之  
不力此宣舉之所以既與鑄絕而又不合於時烈者矣

定齋  
集羅

良佐  
疏

○有李攬者名門子也奴事尹鑄迨譽搢紳至被推薦公以  
多醜悖論削其薦章並斥薦主物訖譁然攻公之復歷舉宗



狀以啓以故貶謫溢世其後又怒於其叔母書絕悖慢公從  
弟秦淵又論其狀上取其書親覽命刑訊遠配人始服公

物論快之

李和淵  
墓碑

君後娶於馬橋時驪江在城中與馬橋親密故頻數相會  
君歸而言曰熟視驪江之所為非儒者也問何以知之曰兩  
人相會未嘗見講討經義輒相問今日聞何事無非時談也  
又每見人則必有所求為儒學者乃如此耶

明倫彙編  
農窩遺事

○金叅判始振於丙丁避兵時寓居懷德其宋相國時烈情  
分頗厚及相國八朝亦力為推挽自禮訟為世大禁少有厓  
異輒被錮廢公不平之累形於色辭每以東漢之陳寔郭泰



已卯之柳雲李思鈞自待以此不悅公者或以徵後報譏之  
公笑曰吾豈若居士然喫苦今世求福來生耶

金始振墓誌

○癸卯秋前掌令許穆請冊封元子以定國本 上命設于  
大臣鄭陽坡太和獻詔曰元子誕生之辰即國本已定之日  
告 廟陳賀設科取士八路同慶舉國欣戴則此疏所謂國  
本未定之說實未曉也冊封於孩提之年雖有明朝舊例至  
於我國未之聞焉似當以 祖宗之攸行者為法 上是之

鄭陽坡謚狀

臣聞許穆癸卯陳疏之日其時廷議不能無疑於許穆之疏  
其坐廢之由實在於此及今上疏之日以蚤建儲嗣主用古



義為辭則猶可掩遮本色乃曰其時宋時烈聞臣言有不悅之色云此則昔日廷訟之所疑儘不虛矣彼所謂不悅等語不待下說可知虛妄而猶且誣飾於聖明之下則取禮家疑似之說以作陷害之機竅者無足怪也

湖伎鄭祥龍疏

○丙午虜遣查使有所詰責先是安秋元者為俘於清國逃回數年還入彼中清人以我違失約條遣勅行查上欲自當曰不過罰金而已洪命夏曰主辱義當臣死何敢推諉於上手鄭太和與僚相共引過應之曰誤許其留未即縛送罪在僚等虜使曰然則國王不知耶命夏答曰臣而證君猶子而證父禽獸所不為虜使為之色沮然竟論以極罪



左右震慄而公略無怖色虜使相顧吐舌曰可謂難矣 上  
反覆繡縫事以得已丁未虜中竟以罰金勸送蓋從 上身

之自當也

鄭陽坡謚狀  
洪沂川墓碑

北使以邊民越境採蔘故罪濤尹事將不測且責大臣使待  
罪館所右相許積獨請對密勸 上自當於是 上詣館所  
北向叩頭終以罰金論聞者莫不駭憤於是兩司合辭舉刻  
而以獨論積為有黨目之嫌遂并及三公 上命竄諸諫臣  
公以為泛論則身為大臣使 君父親當僇辱領左相上不  
得逃其責第其兩相方待罪館門外靡暇八對又不知密勸  
事獨右相可刻今乃并論三公欲掩黨目之嫌是豈論事先



當之休乎及是公以憲長連啓而去領左兩相只論積仍請

還收諸諫臣流竄者

李相國慶億行狀

○已亥春公方任諫長獻納閔維重八侍論故相金瑱葬用隧道請改葬以極罪其子公啓曰事發於八侍之際不容徃復同僚則獨啓例也不然何得不問而專論正言李翊刻

公避事請遞

曹晦谷墓碑

昨者年少金諫請治僭用隧道者曹守而立異並侵於弟諸

人多右守而弟固不安矣

左菴集與鄭湊書

持叔隧論終是正當比日政典之稍左者皆騫騰非持叔之

非正乃金氏之形勢而此漢之故路歟

左菴集與市南書



○最是不可草之者文正文純并享訖也標文當求於何人

貞相軒白其市南孰得若請於貞相則其書當具曲折須令大

哥搆出如何

老菴集  
義村書

公之立朝始終聖上教書已備而惟庚寅二月事微而不

著蓋是時宗社存亡決於呼吸雖有彌縫之道而其喻於

利害者皆袖手却立不翅秦瘠之越視惟公獨以一身死生

以之不懼不撓邦國卒以無事自是主知益隆而士心益

附矣其受天之佑壽而康而終受我聖上恩禮者有以也

哉

老相函撰白  
軒賜几教序

平昔朝端納履之色相縑今日帳殿未聞有奔問之人抑有之



而臣未聞耶君父有疾遠臨草次如非老臣遠在有事故者不當如是此係國綱義理臣甚憂焉抑古所謂訑々之群色

拒人於千里之外者亦近之耶此殿下當惕念處也

己酉溫章時白軒疏

竊念古昔如孫從臣之壽而康者雖大為一時之所尊重然不甚以知義理振紀綱見稱則或反有衰之者而時有庸陋之甚者行身無狀乃反為其所非則其為眾人之鄙笑何

如哉今臣所遭不幸近是矣云々

左菴集序白軒疏

今日見愚之疏其尊崇悅服者怒罵忿斥固不足恠而舉一世無不喟々如視私訾至於同春亦曰不勝駭歎其他又何說焉蓋其人以鄉愿之心挾虜人之勢以為一生行身之道



若微庚寅事則狗不食其餘然其時之不免亦焉知不為大

宗城鹵獲婦之餉耶

尤菴集與宋奎瀛書

昔軒相作三田碑文其所稱道宗有愧於人心者然其立朝清白庚寅一事為之可稱故一時清陰諸賢皆其之友善其後己酉顯宗幸溫泉時軒相為留都相同春上以世子輔養官在京時尤菴適有嫌不敢冒進行在只出次全義矣軒相上疏以為遠近諸臣無奔問之人云々且有無禮語尤菴聞之即上待罪疏而其末有曰孫從臣云々軒相初不知為何語許積乃知撰三田碑之比孫覲事以告軒相々大怒以尤菴疏示同春々為之駭歎云其後宋判書奎瀛以書問



於尤菴々々答以春兄亦不免駭歎尚何望云矣

江上問答

初宋相公時烈名重一世公自在仁廟朝屢加尉薦每請招致宋公與同春宋公亦因以為宗其八洛輒以布衣造門公必待以均敵以盡下士之禮及孝廟新服又首乞招徠如聞其辭退則輒陳疏請挽宋公亦名位既崇而敬重尊尚之意屢形於辭氣書牘之間至是遽上一劄引從臣孫覲事以詆公蓋誤認公劄中納履等語指已而發也時宋公以儒林領袖見重於一世其所言訖是非士類莫敢難之而其疏一出私世譁然親密如骨肉者莫不疑之同春公亦對公駭歎

白軒謚狀

有人來言西溪以魯之聞人比尤翁夫尤翁之處軒相者自



有說話論其氣節之疲軟則極力揄揚乎三田頌功之文論其意見之污下則強生崖異於神德祔廟之說豈固不滿人意而又以無刺無譽依稀有似乎鄉愿規模故攻之尤力不敢假以辭色云云

金昌翁集  
李德壽書

竊見前判書朴世堂撰出故相臣李景奭碑文詬辱宋時烈不有餘力有以為時烈侮老成人有不祥之宗受不祥之報又其銘曰行偽順非世有其人裊鳳殊類載怒載嗔不善者惡君子何病噫時烈之諷規景奭所以明春秋之大義則商書所云侮老成孟子所謂不祥果可擬議於此而若以賢人君子之不韋羅禍謂之以受不祥之報則朱子之禍偽學



亦由譏孫覲而然歟孔子誅亂政大夫少正卯子貢進曰少  
正卯魯之聞人也孔子數其罪曰言偽而卞順非而澤世堂  
所引用竊出於此前古哉賢禍國之小人亦豈忍以君子比  
之於少正卯哉使時烈而為亂政之臣則是孝廟之政亂  
也未知孝宗十年在位所亂者何政世堂之誣時烈豈不

為上誣

孝廟之故耶

館休洪啓  
迪等疏

嗚呼丁丑之事尚忍言哉彼虜之疑怒轉深設機閔以覘我  
人之俯仰乃令豎碑徵文甚急仁廟初命新豐府院君張  
維前府使趙希送及臣祖並於一夜撫出而及八送彼中適  
有中朝學士投虜者以為新豐文鄭伯牽羊語本出諸侯相



侵事又謂臣祖所撰亦甚疎略全不鋪張於是虜人督令改  
撰咆哮益甚時新豐已沒上獨召臣祖面諭之曰彼以此  
文欲驗向肖此正國家存亡所判句踐臣妾會稽而終致沼  
吳之績他日自強唯在於予今日之事但當於文字務中其  
意毋致事機轉激臣祖亦自念主辱至此不暇顧惜自身黽  
勉承命此乃臣祖丁丑撰文之事狀也

李履成  
下証照

至己亥論礼時臣祖主時王之制宋時烈主四種之說意見  
始少岐矣辛丑夏審理之時先正臣宋浚吉請寬尹善道椿  
棘臣祖以為春天雨露不擇草木之美惡宜納佞臣之言使  
年迫者免作窮荒之鬼遂有成命時烈聞而恚之後遣其子



求托婚好事適不諧宋超其不滿於已至貽書示親顯示憾  
恨之意而戊申先王謂臣祖元老命賜几杖臣祖要移恩  
之文於一時名勝而止及於時烈烈不辭而為之曰壽而康  
云々其頌義忠節可謂至矣而篇末一語引猥黷殊不可  
測已酉春臣祖上劄行朝未有奔問之人云々時烈誤認指  
已乃陳一疏曰如古孫從臣云臣祖復進小劄曰時烈以臣妄劄  
認為論斥臣之本心漸々無他從前相識非泛然相睦之比不料臣  
之不能取信以致如此心甚愧昨設有可斥之事君子交交相勗  
而責之以義理何忍背前日之相好而有所峻斥乎噫以時烈攻  
臣祖者觀於臣祖侍時烈者則其念懷之氣雍容之辭一見可辨矣

同上



啓迪等祖述時烈之餘論謂臣祖三田文字與孫覲之作某  
文相類夫宋欽之被拘虜中也雖應金人之求文字宗翼孫覲  
之不奉詔則其敢擬議於 仁廟之為 宗社屈已忍辱面  
命諄切辭氣痛迫至引句踐而諭之者耶孫覲之不休其君  
之本意徒貪彼虜之厚餉可辭而不辭者又何得比論於臣  
祖當危機轉激之時遵 聖祖臆測之旨迫於不得已而為  
之者耶當是時也臣祖獨在文苑終若規免則朝廷其將坐  
受醜虜之迫辱而竟不得借一詞臣之手以紓危機耶抑虜  
人將謂無人冒撻遂輟不索耶使臣祖汚世絕俗早已長往  
則已致位高華許國以身則死生榮辱理無獨殊而乃於一



文字之役遽欲自潔其名坐視君父之逼辱終不承命則其  
取譽於一時抗議之士固有之其於事君致身之道果何如  
也臣祖之捨彼取此者其果為國計耶為身計耶同上

啓迪等謂時烈引覲事以諷規之者宗遵朱子之遺旨時烈  
於臣祖撫文之初已加評訖不其交深則雖未得為確論猶  
可謂處士之高談乃於數年之後受其甄拔互相慕悅況其  
所自重者又如何而躬擐常布屑之往來於宰相之門者豈  
非所謂樂道而忘人之勢自附於先達之士者耶且其尊禮  
之意引重之辭又如彼則其心固已翕然傾嚮之矣及夫名  
位相埒氣勢益盛則憾生於違覆之際釁起於硯逼之地漸



滋貳貳遂成媚嫉而索瘢於三十年之前始則陰引古語闡  
發於頌義之文末乃顯加醜詆至發於章奏之間夫時烈之  
尊慕臣祖非臣祖撰文之前也時烈之醜詆臣祖亦非創聞  
其事之日也一人之身而前則尊慕敬服至擬於周公後則  
侵侮詆罵乃比於孫覲朱子之交人也敬慕之詆罵之前後  
相戾者亦有是耶同上

新豐之撰其文也方持憂服勉遵聖旨而其所述之句流  
播當世希逸則起廢應命而文旣成睿裁而不用矣且故判  
書李植從難南漢屢撰請成之書而甲申教文中有幸逢  
宸區混合之會聿被覆載生成之恩及宜遵綸綍之罷等語



彼三臣者亦豈樂為之哉祇為存亡之際徇國家之大計而  
若臣祖所處之難尤有倍於三臣者而其文之用不用顧幸  
不幸存焉耳其撰之則一也時烈之撰新豐碑文有曰尊周  
大義炳若日星其序李植之文曰義理之精論議之正羽翼  
斯文裨補世道至其撰希逆碑文則直曰其辭某文字可見  
所守之確也噫文字之涉於虜人則初無彼此之殊而或崇  
獎其大義或待之以醇儒甚至變幻其實跡反以為揚人之  
張本凡此陰陽其說異同其說者皆非常情之所到也同上  
時烈方頌袖儒林其言訖是非人莫敢難之而其疏一出舉  
世譁然雖出入其門尊慕親密者無不非之先正臣宋浚吉



對臣祖駭歎曰吾輩初出林下寔公之故今無主人矣又抵書於李端相曰尤翁攻斥軒相不有餘力慨然甚矣故監司趙世煥嘗訪時烈於長髻謫所時烈自言其事曰至今悔之可見顛頓困厄之際理自内生也吐

當時烈之承命撰誌也臣祖方在散地顯廟使近侍持時烈所撰之文就臣祖點竄臣祖既一一誣正而至匪風下泉等語以雖無亦可之意附達而鄭太和等請去其言即命刪改時烈不悅請全棄其文而別製之後命勿刪今啓迪等謂臣祖恐觸忤彼虜欲刪記實之語果如其言則時烈且不怵於觸虜而其撰進之劄首以畏約怕忌務為宛轉為言至引



魏挺之墓銘又曰不敢付諸外人只使不鮮事賤息隱屏而  
書之云者何也請用許積之言勿使印出而御覽一本亦不  
得進者何也時烈觸忤之憂固已深矣特其言之出於已故  
惡人之議之也卽此而亦可窺其所存矣若臣祖身處局外  
文字又出於他手則設令生釁於異日禍福利害初不關我  
而必欲削量而得宜者實出於忠君憂國之誠也况庚寅之  
變朝野鼎沸而臣祖憤不顧身抗辭自當就鼎鑊如樂地則  
何乃不畏於此而畏時烈數句閑語耶同上

時烈所自任者春秋之義而貴在攘夷則扶抑之道宜若謹  
嚴而庚寅之變李晏恟於虜威自陷於忘君負國之罪則王



法之討所宜先加而特虜人褒以正直使之收用故朝廷不加嚴誅姑令偃息而時烈旣欲齟齬於臣祖則乃更通曷顯職又從而左右周旋噫時烈之奉承於正直之褒者其六至矣春秋大義固若是耶

同上

至其孰梟孰鳳孰不善孰君子等語反復橫詆而夫陰戾悍猛搏物不厭梟之性也雍容祥和見哂不顧鳳之德也隨性題品則梟鳳之分各有所故而所謂孰不善孰君子者亦可推類而見之矣

同上

始時烈驟得重名則臣祖之薦拔汲引誠出於愛士進賢之誠卒至遭人反復受侮不少而虛襟曠懷不自卑覺則今之



議臣祖者謂之失於知人猶或成說

同上

生平慕之而後矣之者古人所恥也世之致疑於時烈本原之地者多為此等事噫昔時烈交驩而能保其終者有幾人哉今日士大夫鮮不被其噴薄而特諱焉而不發耳然則汲汲之故趨者孰無內顧之疑而雖或事關先故猶不知怒只為急於趨附便忘其輕重之倒置多見其愚且病也

同上

前主簿金昌翕者亟欲扶護時烈作為長書寄世堂之門人一通謄本先入太學輕薄之輩承望其風旨而其疏之脈絡機關固非畫虎於昌翕之書只以昌翕父祖之論證之文正公金尚憲於臣祖年輩邈然居先而其獎其特厚姑以章奏



中所稱道者言之至推之以斯文宗匠若金壽恒事臣祖甚  
敬及諫臣祖首稱以先生而其辭則有曰受天間氣為國宗  
臣心全赤子行盡人倫根於孝友發為忠純羽儀明庭如鳳  
如麟一節三朝靡有緇磷臨危抗辭國耳忘身歸然喬嶽鎮  
我邦人其挽詩曰身名出處兩無憾忠孝文章德業全尚憲  
宗匠之稱在於丁丑十年之後則其不曾以碑文一事為疵  
而敬重之者此可見矣壽恒之尊尚德行贊揚名節又如此  
昌翁亦謂氣節疲軟意見污下有似乎鄉愿規模等語何其

一二相肖也

同上

昌翁初謂臣祖崖異於貞陵祔廟之說指為一大疵及其



一世紛然斥其爽實則啓迪疏中不敢復舉乃以陵誌一款

捏造為說其摺撫之跡至此而尤無所逃矣

同上

臣之曾祖固其景奭世好不泛而臣父則又以其耆旧大臣  
常加尊敬矣然其所謂斯文宗匠者自是詞翰家推重之例  
語豈謂其道德名節粹然無疵直為攸林之大宗師也今屢  
成等取此一句語遂謂臣曾祖不以其碑文事為疵者豈不  
可笑之甚乎其於碑文事雖未嘗明有指斥而意思所存有  
可以一事推知者臣曾祖嘗撰故相臣李廷龜碑文而囑其  
家子弟曰慎毋使三田碑書寫人書之夫於寫碑者猶不欲  
其溷人墓石况於作碑之人而不以為疵乎其後李家令景



誄

爽書其碑則臣父兄弟嘗歎曰先祖意思如彼而却令作文  
人書之豈不可恨屢成等所引挽誄稱道之語誠有之矣然  
挽誄之文主於稱美其体容有其平居尚論隨事譏貶者不  
能盡同臣父之於景爽其所稱三朝一節身名無愆者亦以  
其居家孝謹立朝忠懇為一時賢宰相而已屢成等乃以是  
謂其尊尚挽服冷然無間而欲使為後人者無敢容喙於其  
言行得失則亦過矣

集 農 岩

凡人為其先世得先生長者片言隻字之褒則感結幽明奉  
為金石之音故立言者一字亦不敢輕施於人重此故也雖  
以張說儉邪小人既為姚崇有八柱承天之語則其後不敢



更言姚崇之短今清陰之孫文谷之子乃敢一反其父祖稱  
揚白軒之語曰心中雖本以為非口頭乃住此虛語云是以  
張說之所不忍為者處其祖其父也白軒是非姑捨勿論此  
豈非人道之大變乎且人之視其父公為何等物而已反甘  
為警役撐眉拏眼欲張一人之掌遮得一世之目其為夏畦  
之病甚矣此外有何足誅焉且論人時或不能無抑揚而奏  
御及抗諫之仕盛稱忠孝大節祥麟威鳳其後無他端而乃  
以老不死孫從臣擬之未知為忠孝為祥鳳之後更有別得  
罪者耶以白軒坐地事勢言之三田碑文之仕元無不可設  
或曰不能無失比之谿谷不啻輕矣宋相乃於長髯圍籬中作



谿谷碑文極有稱道其文至於流八禁中何白軒之當恕而不恕反貶薄之至此何谿谷之當罪而不罪反推尊之若此耶然則此事用意本非難知自初至終無非所以為已私操縱之地其是谿谷非白軒意各別有所在而借為話柄者耳其於原頭本是非何嘗有毫髮之念及者耶

葉泉集

○李景奭字尚輔号白軒 恭靖大王七代孫生於萬曆乙未癸丑進士萃聞日播月沙見公文謂白洲曰汝雖已決科不及遠矣癸亥 仁祖首謁文庙取士公登丙科為檢閱甲子賊适叛 上向公州百官奔竄失次陪從者只公其承旨韓孝仲及內官二人而已到漢江、上無舡夜黑如漆石門



公以全羅兵使屯兵岸上覓一船以迎駕回望京城火焰已  
漲天矣丙子啓曰斥和一事豈不正大且明快而國事民心  
無一可恃不顧時勢橫挑強寇非計也三韓之一草一木皆  
皇朝之賜也大義所在人孰不知事有緩急不可不深思善  
處谿谷張公歎曰此所謂披雲霧覩青天也公所乘不備杖  
屨徒步追入南漢天大雨雪士卒暴露公請令大小官各解  
上衣分給而張覆之則士心必多感動望之亦助軍容於是  
城上列幙周匝師人如挾纊焉承命改撰三田碑而貽書石  
門公有悔學文字之語辛亥卒年七十七官至領相

白軒  
謚狀

公前後處銓其佐貳即僚會坐文蔭武之才績已著者各舉



所知錄為公簿每於諸曹庶司州邑之缺取以注擬由是內  
外各稱其職又每逢中外人士輒訪問人才隨聞劄錄文學  
行誼武才吏能以類調用尤如意於岩穴幽隱如宋時烈宋  
浚吉權認李惟恭通顯路皆出公手同上

己酉賜几杖盖完平後五十年所未有也教書有曰司馬光  
一箇誠字可行終身李文正兩八中書未嘗害物時以為實

際語同上

甫廟在春宮聞公名德思欲一見盖大臣非見帶師傅無進  
見之例而顯廟特令八見曠世異數也同上

其禱雨也既祭故家輒不解公服伏於庭中烈日下暴而不



少休必待雨下衣濕然後起蓋公禱未嘗不雨故都民遇旱必言何不令某公禱雨云同上

○時有神德王后祔廟之議公以班首率百僚閱月庭請始舉縟典事無前據禮多妨礙儀度節目多從公議同上

神德王后祔廟事大臣始獻議陳之兩司已合啟請之太學又疏論之臣等之劄亦且至五六矣權近所撰興天寺記曰惟洪武丙子秋八月戊戌我小君康氏薨夫惟神德王后配体於太祖受命于中朝德儀之無所玷位号之未嘗替其夫後日抑殺之訖衰薄之舉既非太祖之所命亦非太宗之意旨者蓋已反覆援舉而極言之矣



宣廟壬午間公祖訖政公在諫院嘗論復  
貞陵祔神德王  
后 太廟事爭之累月 宣廟只命封植 陵塋訖政公每  
以典禮未舉為恨及是祔 廟之論復起公因公訖且紹先  
志率百僚力請至己酉八月始許祔位在 神懿王后次復

寢園置祠堂俱如儀

陽坡  
謚狀

○全羅監司金澄為母設宴金清城錫胄以諫官劾澄宴需  
侈濫請罷職澄前在金閣刺舉不避權貴前後所論凡五十  
餘人於是群憾因之修郤乃請拿問查其宴需金帛及查啓  
上無侈濫可抵大罪論者持金澄益惡謂前查多爽又請更  
查逮繫官吏百端窮詰至以銖銀尺布構成罪案欲置賊律



時判義禁亦曾見彈於金澄嫌不讞奏 上命次官訖罪公  
當其事諸家蜩起蜚謀設巧撼搖無不至公不為動乃其同  
僚相訐曰籍令金澄宴需有濫觴曰壽親抵罪已非李理所  
宜况今再三覆按終無汚跡不可以賍律繩之以其那移會  
簿物從輕擬律似合於規過知仁之義遂勘以奪告身領相  
積亦嘗累為澄所劾於公會大言斥公不避親嫌私護賍吏  
澄卽公中表兄弟國法無相避物論皆以為不可以疏屬之  
故創法外嫌避公亦嘗慨然曰安有李理之下為親設宴而  
獲罪乎况且乘時搆煽必欲中傷尤非清朝美事雖有中表  
戚誼法無應避畏衆怨而不當讞奏非直也遂擬以輕律大



為積所詆分陳疏乞免金善 上答以優批積又上劄斥以  
玩法語甚峻命罷分職俄又就理奪告身金澄謫海西公出

獄僑居鷗江村舍

李相國慶  
億行狀

夫宴筵之需酒食之費則雖百瓮之釀千炙之牛此乃隳人  
同歡之資務夸喜大之人容或可為至於直黻公儲馱故京  
第人以為盡八家中渠則曰貿易市上設使澄所稱二同九  
疋之營木此外無毫末剩羨其比之 先朝所受罪尹策韓  
墜等所犯豈不相倍蓰之多耶且澄於本不其宴之兵使則  
箱籠馱載其數不貲而稱之為事体有異而受焉於非尿管  
轄之統帥則紬綿木花其饋無名而稱之為官尊礼饋而受



爲此而皆受其亦將何所不受耶李端夏謂臣曰聞流傳之言登至造銀咒數部云此固近於孟浪而吾則以為在澄之道雖一隻筋若復染指於銀則大非也其後臣更詳聞於自南中來者攻金之說果是不誣其爲錚盤小者一瓊其外又有鉢盂匙筋且分定各邑之物只以鮮魚一種言之羅州三百靈岩三百靈光二百其下諸邑雖漸殺其數而合之爲累千此又南來士夫之親聞於羅州牧使蘇斗山者如此其所徵進女樂將至二百遠邑殘縣無不被蔽至於谷城至遠至殘亦送六名其中有年未滿十五者以暫時逃席重受刑訊臣招問全州新官吏於金廳則其吏之所對者如此



先是金澄陳疏頗侵公。上劄乞罷未幾澄被劾久囚公為言為母壽酌罪在可恕及有刑推之命又劄言金澄所為誠有過濫聖度推仁矜其母而減其罪則何必加刑然後知其罪哉

上從之

白軒謚狀

謹按金監司澄即余從曾祖咸陵公之故人子而又為其從孫婿者也咸陵公常視如子弟金公為湖伯時往辭於咸陵公。語之曰汝家在沙川賣柴為生之日汝之母親經過之狀吾所習知今受官享於湖營無日非壽宴也慎勿生壽宴之意再三申戒後金公不能從終以壽宴見敗幾死坎軻以終身明谷崔相公常舉此而語人曰咸陵公



此語有若目覩日後事而發古之人雖無占候之術而先知有如此豈不異哉



青野謾輯卷之三下

同春家業素厚同春之大人宋榮川多生子女皆不育四十  
七歲始生同春稟賦穎秀榮川愛之重之同宗之年相若者聚  
置其家與之友于懷川生於貧家不能衣食又與同春年齒差  
一歲自六七歲來養于榮川家衣食與之同又與之同學同春  
自幼時出入於沙溪門下又贅于愚伏學業已蔚然勸懷川就  
學於沙溪終始提攜而成就之其恩義實有不可負者而懷川  
性險好名故中間忌同春盛名訛毀搆誣不一其端立朝以來  
大生讐隙而同春終不相較

明村  
雜錄

孝庙昇遐之時內醫柳後聖不能盡誠竟遭天崩之痛輿議必  
欲致法嗣王下詢同春欲與懷川無異同問諸懷川則答謂  
無可殺之義吾以不殺仰對云故同春斷然信之以此收訖則



懷川以必殺為議與之相反極慨恨凡事類此其間說話不可  
盡記老先生大憂之貽書規責前後眷<sub>上</sub>溢於辭表<sub>同</sub>

孝庙大葬之前懷川將還山出去王十里見許積而去獨不告  
歸於同春晚後一後生告之同春始聞其行催駕馳往逢李叅  
判時術丈於洞口李丈曰左齋今將還鄉出留王十里而大監  
終不出見故不勝疑惑為見大監責之而來矣同春曰終不告  
我而去此何事耶今始聞之方欲往見李丈曰彼欲起故我辭  
來雖往不得逢同春曰雖見空寓修我人事矣催鞭以往彼適  
不及發同春曰台當受永安遺詔而先王病急雖未果與受  
詔何異古人所謂報先帝忠陛下之秋且嗣王未有不設醴  
之失何忍於大葬之前遽出耶懷川不答而但顧左右曰吾  
無可隱之凡同春曰大監以孟子自處而視我為王之私人耶



乃起還云

明村與宋尚州炳翼書

同春嘗慨恨曰懷川誣我以八送益平尉於闕中諧之又使宋奎禎以婦人服乘屋輜往清風國舅家毀之云此豈人之可誣

者耶

同上

昔年舍弟仲輔見李喜朝李出示一書其書曰草洞軟媚之態不能正視傳此言於尊兄子徵氏則子徵笑曰此言真是藥果祖父於鑄本來歇視元不相熟而至曰鑄之弟子尚何言哉同上先人在世時問于伯嫂曰甫家何搆怨於蘓堤及中洞耶伯嫂曰同生嘗於月夜侍大人問曰以何事結怨於兩家至此之極云甫則大人荅曰蘓堤則欲以夏相宋炳夏兒名為後而請之吾荅曰吾孫中可望者惟此孫其餘幼稚不可與人且捨侄而遠求實不合當云甫則顯有愠色中洞則為其子請婚吾以為友道



婚路自別而終不許則大有未安之色矣兩憾似起於此而此  
外則不知其由云矣

同上

春翁平日於宋相包容不較不使至於大乖者實春翁之盛德  
也今門下子孫當發明如此盛德使一世曉然知彼此實狀可  
也而今反欲使春翁求容於宋相安有是理耶

明齋集

任監司義伯見忤於懷川無以解之請於同春曰為我善解同  
春唾手笑曰我躬不閱何以解兄兄欲解之則往說泰之云所  
謂泰之丈畢竟大狼狽於懷川世間事誠難預度也

明村雜錄

問草庐一聽左齋之言多有過激之論未知此丈所見每仁  
相合而然耶老先生慨然曰吾每責曰兄每事必從英甫所見  
果同耶泰之曰豈有相同之理耶茅念英甫所見必優於吾輩  
不得不捨已見而從之余曰捨已從人豈不美哉茅朋友之道



質問論難明知彼見長於我則從之好矣若兄之於英甫不問事之曲直語之是非必以強從為心此豈朋友之道耶泰之曰兄與英甫所見多相反英甫文章士也作文字作道理以垂於後世難免譏議矣余笑曰吾只畏見之不當理之不明而已我果非也則雖無英甫之文吾自惧焉我果是也則雖有英甫之文吾何畏彼哉兄每以苟同為心決非朋友講磨之道也

同上

同春金玉其人疎通洒落而氣弱自謙終無擔當大事底意思似無大有益於國家事在齋外雖劉毅內實狹阨氣麁心險耳且濶謔言易入附已者喜之異已者厭之乃無容人之量惟一同春亦不能容他尚何言久當國事終必有大害是可慮也草廬無可言者惟魯西性地純正度量宏大且有通才此人倘



或出世大有可望而以不進為畫是可為國慨惜也

羅海州呈  
斗所論

昔我市南每言執事篤厚於親舊故有情勝之弊劉過於嫉  
惡故有量隘之病蓋所愛則不知其惡而又未免牽已而從之  
所惡則不知其善而又未免過察而疑之加膝墜淵與奪高下  
一任於己意聰明掩蔽好惡顛倒而或不之覺物情之不厭亶  
在於此則私意之當去者也愚以為天下之勢合則強分則  
弱不易之論也西南之偏論不破則梁益之半決不可啗吳魏  
之全矣此為今日之痼疾人無不見而莫知救藥者也黨論為  
亡國之禍胎當國者必先祛黨論然後可以做事為士者誰不  
欲祛黨論也而大學正心之功有所未盡則過與不及之間自  
不覺其為黨論之歸矣今此禮訟之論則又為黨論中之黨論  
初為是非之爭轉為邪正之判彼海尹者固是貪淫之物雖非



媚嫉宗不可用雖海尹若改其貪淫之行媚嫉之心則亦當隨  
才取用不可以三年異論而永斥之也其餘趙洪諸人雖所論  
無據用意偏頗而被罰既過被錮既久則誠可蕩滌而用之况  
尹許二人本是士類中人縱渠有誑誤之失安得終斷以護賊  
毒螫之物而不之容乎今日果能滌禮訟猜嫌之跡先從此兩  
人而始以示我無私不吝之心譬若立三丈之木於都門然後  
推誠待人躬厚薄責內可以恢吾之量外可以服人之心前此  
所嘗逞耳於執事者本欲仰助於盛德非為談士之抑揚也又  
聞執事之所以去取異己者只以降與不降為主云果然則偽  
詐之風益滋矣其為世道之害尤不可勝言

魯西擬與  
充奄書已酉

時烈之戊申秋赴朝也宣舉以為此又時烈已亥後一初也若能  
改絃易轍展布公誠國事猶有可為者會時烈有書相詢遂



定齋專羅  
良佐疏

草書將荅俄聞其又去國不果貽其後尹極以為此乃先人恩  
恩之遺意雖已後時不可遂寢因求全文於時烈而並持以相  
示時烈見書大恨遽謂宣舉刃用尹許可見其未嘗絕也遂執  
以相詬極之暗投明月遭其按劔者亦難免坦懷輕信之責矣

宣舉之沒 顯宗臨遣謂侍臣曰予嘗欲一見尹宣舉而不

能得遽尔云亡可勝驚悼仍問其年歲幾何及氣稟強弱嗟惜  
之意溢於辭表宋浚吉進曰士友之論謂宣舉若在朝廷必見  
嚴憚於君上矣浚吉退而告趙渡陽曰上未嘗一見尹友而  
眷重至此者何歟渡陽曰上於疏章中固已得其為人矣定齋  
若其將葬時烈探文自奠則其辭儘無疵摘獎其節則曰衆流  
奔趨砥柱不傾兩儀昏蒙一星孤明讚其學則曰慎老之沒型



範有在一方之士以所事二美其操則曰荷衣蕙佩皜然不滓  
頑廉懦立洒落清風叙其情則曰追遊功磨面忘所趨書疏往  
復三日為踈其所以相許相與者如此與今日斥之為世道害  
者固不似一人之言也

同上

尹鑄自以宿昔親交恨其一朝見絕常懷憤毒乃於窆奠之日  
遣其子義濟以其侑祭之文莊諸袖中不許示人及其酹酌始  
乃出袖其辭云子謂我妄撓世禍吾謂子不能自守其他句語  
無非從憾恨中流出慮其見阻於喪家初不出諸袖中者此果  
出於愴舊悼亡之深情耶

金斗明疏

宣舉與鑄雖已相絕非有深讐也故宣舉於常日雖與鑄不通  
問聞至其遭伯姊喪得鑄慰問而報謝之權儁即宣舉之妹夫  
而鑄之妻兄也故儁之歿也又致書於鑄以相吊則鑄之當宣



舉喪為文致奠亦以故誼而未見有必却不受之義謂之不為已甚可也未可以疑其不絕也况其見絕愠憾之意即其祭文而可見者乎

定庵集羅良佐疏

時烈再祭之文則蓋因尹拯受鑄之奠而發其文有曰惟是江說少有未契兄若於海並加原貸我之疑晦片言即解江者驪江海者海南其意以為宣舉雖攻善道而常恕鑄亡與善道不可分別必若恕鑄須並原貸善道云亡受奠得失自係後人之事何至以此致懟幽明之間耶

同上

崇禎己酉某日義村先生卒于尼山之屋茅遠近章甫無不涕泣相吊未哭奠賻者不絕於道聖上亟用遣臣言贈官及喪需既奠其所居之鄉及所經過之地皆將立祠以享之君子曰盛德之感人也如是夫丙子公請斬虜使以明大義冬奉母



夫人入江都論任事人偷安之失自請分隸城守難已拋棄舉  
業專心于性理之書以司憲府持平召公自稱犯罪臣力陳江  
都事以辭自是承召不已遂赴闕陳情宋公浚吉謂曰如不欲  
承命則亟去無徒勤 聖意也權公認請令以士服入謁許之  
遂留䟽經歸余猥從遊從之後餘四十年坊磨規箴無有不盡  
間以訛謔諧笑相加則知公詳而服公深者宜莫如余也初本  
余與  
公不帝黃鵠壤虫之相懸雖從公  
久而服公深不足以窺闡其間奧顧以老病將死其於狀德之  
文益復茫然不知所以措辭也惟玄石朴和叔之狀該貫遍包  
據以為說則庶免僭率之咎矣其語曰初牛溪先生得靜菴趙  
文正公之學於其考聽松公仍與栗谷李文成公麗澤益至其  
門路之正踐履之篤自我東諸佞未之或先也八松公早遊其  
門後能抗正大義則先生固已聞知其梗槩矣及慎翁先生得



沙溪文元公之家傳而為栗谷世嫡先生於是樂有賢父師考  
合緒論精專刻厲矯寢充積其博約工程大抵邇坡山法門而  
上之以節次根柢於考亭矣此和叔心悅誠服之語而人不以  
為阿所好者也公與市南共著家禮源流云仁銘曰惟知仁勇  
是曰三德公志于此天闕其年允矣玄石極其摹狀初本佳我

述不作揭此銘章

左菴所撰  
魯西全碣

癸丑之將請碣銘於懷川也君則不欲曰我家之憂人大過反  
取其怨者多矣且其人不可托也余不從其後果致無限狼狽  
悔之無及君之識破窠先於我矣

明角所著  
農高遺事

吾先人之葬也驪江遣其子探文致奠君以為不當受而拯不  
從而受之先人全道文字將欲請於懷川君以為不可拯又不  
能從君歿之後竟請之以此二事不從君言之故終貽無限羞



辱於先人悔痛不及

明俞尊宋處士丰章行狀

癸丑余與明翁俱欲請銘同往華陽則懷相適病不敢以文字煩請留書翁幾一旬明翁先歸當其辭出始發請文之言曰行狀朴和叔所撰年譜則為受碣文未及勘定而持來如有紕繆處望一訂教且曰先人雖未嘗出而仕昔當諸丞丈當國之日相與討論國事此是見於事為者故行狀年譜截裁以八矣已酉遺禮即函丈大拜後書也未及傳達而今其一二段亦載於行狀年譜中故茲以持來仍致於前依相熟者三五次以其書還明翁默無一言明翁辭退後懷相厲聲語余曰當初善道之疏也鐫往漢湖見善道製疏以給吾族家婦女即善道之孫婦故目覩傳之而魯西曰善道自是凶人豈為鐫輕躁者所勸而發也於鐫每用寬恕其後為訂沙溪文集會于東鶴寺魯西



亦來云亡

白黑之下草房問受奠云云並見下

答

窓黑室暗雖不見其面色之如

何而聞其聲甚忿戾矣余曰庚子禮訟事出之後先生

曾即與

鐫書責之而終不忿聽故遂斷徃復夫責善不從而斷不通書

則友道已絕矣己酉年先生葬時尹義洛為致奠而來宋子文

先見其祭文曰祭文多有怨懟語且有誣辭不受為當明翁曰

先人平日言彼若改過則無不可復交之義今雖無改過之事

乃以哀苑悼舊之義來則此亦善端也寧可不受子文力陳不

可尹養一亦曰子文之言是也侍生亦是子文之言明翁終不

聽子文又曰雖以利害言之受此奠後必有不好事到此方思

吾言云矣今聞大監之言子文可謂逆知今日事矣受奠之事

果令失著非泉下所失也以此為不絕之訂實不穩當懷相默

然不復言

明村雜錄



尹友文字病間可以草稟矣乙巳年間與吉甫會於山寺草庐亦至余謂吉甫曰兄於驪尹近日所見如何渠便荅曰彼便是黑也陰也小人也余曰然則兄交道如何渠便厲聲荅曰豈有以為黑與陰與小人而不絕之理乎余曰兄從此灑然矣其後草庐謂余曰吉甫外雖嚴正而內實虛惻伊日之言未可信也余責之曰寧有如許吉甫耶兄誤矣及其歿有一可信之士自其門來謂余曰尹丈於驪尹其交道終始無變絕交之言須勿信聽也余雖不敢深信而亦不能無疑以為草庐之言可思也遂於其初忌畧綴數語微見驪尹取捨之說矣且聞其柩過城西驪遣其子探文致奠云彼既見絕而猶尚嬖姁於死後者已甚可疑而絕之亡家猶不能相謝於顏情之間斯亦不可曉者厥後草庐來言驪尹聞見絕之言大恚曰於江都事

此四字既書而更抹



抹之使見之

吾先已不屑而勉相矣云云或無乃其家病此而欲

為緇縫保合之計耶如此則亦踈矣

尤菴每玄石書

尚謂誰畏誰逼而實不絕而陽言絕也若云畏逼於時烈則又

何為屢勸勿為已甚反受時烈之疑乎

定齋集羅良佐疏

山寺之說世采今始承教殊不知曹丈當時處義之如何然豈

以所謂陰也黑也絕之也者姑以其大槩言而不至十分究竟

故乃復為保合收用之訖耶此恐在先生默諒深恕以得之要

使迹者無愧於後生而不必過為疑異於心跡之際况以子仁

為有為而為之益恐不當出於門下言也彼亦平生親舊儼然

以吊禮臨之倉卒哀痛不能審義而謝之雖或力量不足而然

夫豈遽崩此意於其間哉

玄石与尤菴書

當初受奠之事前此屢承責誨而亦未料見疑以心術之用至



此之深到此何敢更容一喙然某人悲詆之說未嘗得聞設使聞之所謂依阿苟且之計非惟不敢出亦所不能為况全未得聞耶然此則不肖迷昧之致甘受鉗鎚固無所辭而至於草丈云云則語涉訕侮似不全識先人心事者而今不少加裁擇若直以草丈言為真者此誠不勝慨然之至假使先人不能識破其人不過與明道之不識邢恕文定之不識秦檜同歸於百代之評論而已豈是為大段事而前後之教必欲拈執一二語句以為務相困滯之地至于今日而未已昏昏之見宗未能仰曉

其何以也

明倫與  
尤菴書

竊觀此等文字專以總論為主先人於門下得托以講磨之義者四十年矣平生本末宜無不相悉者今乃曰吾則不知而朴某之言如此云云豈非遠於人情耶先人平日論訖出處與門



下儘有不盡相合者今欲不沒其實則以為某事某事不相合  
於幽明情義却無所妨今以黃鵠壤虫窺閭閻奧芽語外而踈  
之竊觀凡引他人之言者或全不知死者而言者可信則據而  
為宗者有之或後人不敢自擅而有先輩長者之言則藉以為  
重者有之今於平生朋舊不以一言半辭自見其意而反述後  
學之語初若不相知者然若只如此而已則朴友之狀足矣何  
必徵惠於門下耶同上

今茲狀文宗朴和叔極力形容有他人道不到處則如愚不肖  
何敢攘臂其間有所刪定低昂哉且愚自視歔然而尊仰和叔  
宗如泰山喬岳焉故意謂此漢借和叔之重而不甚見陋於後

世也

在菴荅  
明翁書

見者皆曰在翁之專用朴某文蓋不欲犯手稱說於尹公事狀



心悅誠服之語言者亦以為反辭相譏之意銘文言公志于此  
天關其年信如此句而已尹公不過有志於此無一毫自得處  
云亡今門下抑揚反復之際其說愈多而人心愈不服恐難以  
口舌解之平生議論之不合如尹事緣文相及抑有何妨玄石  
谷懷

川書

先人自有此事以來固以彼為陰為黑矣固以彼為失身矣固  
以彼為不可與言而止往復矣此即所謂絕之也其後固不復  
以彼為陽為白矣固不復以彼為無失矣固不復與之通往復  
矣如是而尚可謂之復交乎夫所謂絕之者亦非一槩也如門  
下之絕之則絕之十分者也先人之絕則猶有餘地者也不慮  
心相迫及猶冀其有悔  
改者即所謂餘地者也惟其有此餘地故彼有吊喪奠醑之情  
而此亦不得以拒之矣今若以絕之之不甚為咎則可也必以



此為復交之訂而疑其寔搜前後則非其情也至於銘文則當  
初非敢懷溢美之意也若有此意則神明其強之矣大低其義  
重者其情深故生而有詳勉愚到之語沒而有歎惜傷痛之辭  
者非外假而勉為之也門下交遊之間能盡忠善之責者惟先  
人而已今若如孔明之不忘元直州平晦翁之追思敬夫伯恭  
則不但有光於先人亦豈不為盛德之輝耶而乃無一句此等  
說話反泛然若素不相知者云明倫卷  
右菴書

古今文体如此者何恨而獨於此議論之此多者竊未曉其故  
然來示如此故不敢不改弱固不可以敵強亦理勢然也又曰  
今山岳之說執事既用之於用處愚之諦借而用之未見其為

大罪也

无菴答  
玄石書

大抵子弟後生之尊父師與親朋之評同輩其輕重淺深誠有



大煞不同者夫以伊川之狀明道何等致隆而韓持國誌文率  
皆平心說去至使不知為道德君子胡文定之於楊龜山以朋  
友而稱中立先生其尊之也至矣及為身後文字乃反無甚稱  
美未聞伊川及楊家之不用其文也然此皆平心直說是其是  
非其非無所阻礙者故人不得以間也今門下之文不然一則  
曰狀德之文茫然不知所以措辭一則曰此和叔心悅誠服之  
語而人不以為阿所好者至白其不然則曰吾視和叔如泰山  
喬岳抑揚反復之際其說愈多而人心愈不服恐難以口舌解  
之如尹事緣文相及抑有何妨魯丈之在九原亦必為之莞尔  
矣此乃平心直說以服人心之大致與其委曲迂就以生無限  
節拍而終不得其衷者相去遠矣

玄石荅  
老菴書

函丈極言當初病憂中草定樣子非真定本也往復訂訖十反



無傷所以面命者不啻丁寧而其後復費辭說又示疑難之意  
今者只依舊貫而以為姑依執事所裁又引許多閑說而以為  
弱不敵強今見山岳之說則其見戲彌甚矣

明俞荅  
玄石書

因狀行之過而有鶴寺之說以曉之因申覆之功而有泰山之  
語以質之是皆矛盾艱晚非但無以安其子弟門生之心遠近  
士友之聞者亦莫知其必當而無疑此所以致數歲紛口而未  
已者也然以執事所處之義言之鶴寺之說假令無爽而不過  
為當初議論之未定則恐難以此追廢先庭講磨親厚之誼泰  
山之語雖涉不情而不過為自家辭意之少差則恐難以此終  
隲尊兄依歸隆仰之誠以自有異於平日而貽無窮之弊也

與明  
俞書

若使函丈之意本出於和平公正則文字之過當處祇停輕重



有何不可若以山岳之語用於孟朱不可輕下之意使之刪改則雖直言於不肖亦無所嫌况於執事乎今乃內懷不平而外不顯言隱語示譏至於如此口為何等氣像而私心亦安得恬然而已乎自有文字事以來函丈之見於言語者類多如此蓋恐本源之地不得其平而然不但為辭意之少差而已

明倫  
石書

函丈之語今至於三而別無改定之案恐或無益而又得意外節拍如喬岳之云故迂延未果及與和叔面議則以送呈為是相與詳量籤標始送

明倫  
集

送呈之後再書謂不日當勘還送而今又謂依來意竄定則只依舊樣矣然初已慮其如此事當止此而已

同上

先人之於函丈契義固不淺矣自戊戌已亥以後漸有意見言語之不相合者自一家少輩累誦斯跡之戒者而先人之意則



不然以為士林為一家雖有出處高下之不同畢竟休戚禍福  
當同罪而共傳不可二視之也無彼此無物我必欲納於無過  
先人有此至誠而既不得相孚於當時又未免見疑於後人而  
函丈之自主益高為德終孤學問之力卒無以勝夫氣質之用  
矣無論門戶之箇今裂卽戈戟起於同室流言交於門牆使  
四五十年墳麓麗澤之地一朝變而為蚌鷸蝸角之場萬事脫  
空一握為笑天宗為之謂之何哉

明倫彙編  
家範典  
石書

頃日李端相之疏以為佞臣之不来由於兵判金佐明云其  
間曲折甚多蓋金佐明之於宋時烈不相沕合人之所共知云

云

藥泉集

甲寅二月 仁宣王大妃薨始 孝廟之喪大臣與諸佞臣  
等訖 慈懿大妃所宜服定為期制其後許穆上疏引儀禮疏



說宜用次長三年之服 王命更詢于大臣佞臣宋時烈宋浚  
吉等對曰固知有此疏說而於其疏說亦有次子期之義不可  
執一而廢一與其輕用可疑之疏說無寧近從明制 國典猶  
為寡過大臣亦執前見以 國典為對遂仍期服不改尹善道  
倡言時烈等貶降 孝宗和其說者相繼而起 王曰已亥之  
講定服制宗從時王敕令故宋時烈諸人當初收議亦從大臣  
之論及庚子後諸疏專責時烈之後時烈諸人始引古禮爭辨  
為一訟場而此則元非朝家之所採用也蓋時烈等雖有次衆  
之說而朝家既未嘗用其說許穆雖有三年之論而朝家亦未  
嘗採其言只為十餘年間彼此聚訟之空談而已然其欲傾陷  
時烈等者每托於論禮故 王洞燭其情狀而發此教且以言  
在東意在西斥之矣及是 母妃之喪禮官昧前喪遵用國制



之本意不先稟旨遽以大功定為慈懿大妃服制秋七月王  
命公卿三司會于賓厅問慈懿大妃之於仁宣王妃之喪  
當從何服公卿以下失對不祿旨王以為已亥之喪從國典  
為子期而已國典期雖無長衆之別慈懿大妃之於先王  
自當從長子期今茲之喪亦宜從長婦期特命改功為期以不  
先稟罪礼官以所對非所問隨首相

顯廟  
行狀

樂泉集

已亥大喪時大王大妃期服之制既已諉之於國制長子  
之服則長子婦之服獨不為期年降行大功是遵何國制也以  
國制長子之服為期年於已亥而反以國制众庶婦之服為大  
功於今日其瀆乱經常顛倒人紀莫此為甚殿下誠能明諭

禮官詳考禮經革其錯謬正其典章云云

顯宗末  
年甲寅七月  
都慎徵疏

幸我大行王親考禮經革謬歸正宗嫡之統煖然復明誌文中



厘正服制一款是先王莫大之盛烈而遭辭下意殊欠明白

云亡

朴鳳祥疏

甲寅十一月

宋時烈當已亥大喪之日大小執禮無不主張其所獻訖有  
曰孝宗大王不害為仁祖大王之庶子又曰次長皆云長  
子而服斬則嫡統不嚴肆然下語自不覺其為貶損君父之歸  
及其辭窮理屈而不能自解則又嘗諉以遵用明制而乃其本  
心宗不在此故今春仁宣王后之喪大王大妃服制又降  
為衆子婦大功之服於此益驗其意本主於体而不正之條而  
其所謂遵用明律者不過諉託之訃矣初主四種之說中諉大  
明之制末乃弁髦而不用之今典禮已正國是既定而時烈以  
首論乖禮之人罪罰不加請罷職答曰允

甲寅府啓

孝宗大王之於宋時烈有甘盤之舊不世之遇其所論禮不過



所見偏滯而已斷無他意於其間則容有可恕者云云

持平權  
懔啓辭

典禮歸正之後首事誤禮之人理難免罪則今日合啓之請罷  
其戕害是不可已之論而所謂西人屏避退縮不肖同事甚矣  
偏黨之弊一至斯哉以此推之若使宋不為黨西而黨於南則  
今日兩司亦必無請罪之舉矣朝廷之上持論公正者復誰人  
耶臣不覺為長太息也臣竊想宋之為人非無好善之心而亦  
多固滯之處非無愛士之志而引進同色之人所執多滯故當  
大禮而不能精究所親同色故當重論而猶多立幟以臣所見  
宋恐難為德備之君子也苟念宋以佞為名蒙兩朝眷遇之  
隆竟以壞禮獲罪則今茲罷戕亦足以著愧其心而加律之論  
又發於臺席臣以為今雖加罪於宋之身似無加重於聖明  
包荒之度容以貸之務靖朝著不亦宜乎

大諫李之  
翼啓辭



本朝中葉士類分朋其間雖不無臧否得失之可論喜同惡異相助匿非則均焉正所謂春秋無義戰者而卿大夫鮮能自脫於黨目其有宅心公平不落於標榜者則雖親朋久要輒相與擊排棄斥使之不容於朝近世徐公必遠金公始振及李公之翼獨行已見不苟合時好皆與世抹掇以終其身

明谷所撰李桂村之翼碑

時烈獻訖中擅弓免子游褻之譏此其為人臣子者之所忍道乎昔公仅仲子之喪捨嫡孫而立仲子則擅弓免而吊司寇患子之喪捨長而立仲子則子游褻而吊免與褻非吊者之服而擅弓子游故為非礼之服談其奪嫡時烈此言何為而發也顯加談嘲一至於此二果非貶降而乃尊崇乎云云

掌令南天漢啓緯

誤禮之人雖曰一邊之領袖市禮之人皆是一代之名流誤禮者退市禮者進事理當然惟以明國是定宗統為今日第一



義而已臺閣討罪案出公論而彼乃自謂君子竊比於己卯之  
諸賢未知己卯之禍亦由亂統之罪乎曾在庚子尹善道以卞  
禮之疏授畀有北力不能救謝事還鄉中間吮癰之輩以臣為  
釣名利之餌謂臣往來趙龍洲之田庐出入金國舅之門館將  
起袞貞之禍加以許穆宇遠之疏謂勘於臣手飛語造謗雄唱  
雌和必欲置死而難其名目之以詭秘者与指善道為凶賊同  
一律也云司諫李袞疏

昨聞李袞疏中語以吾儕一疏將為平林赤眉之亂云曾聞浦  
渚大爺平生痛嫉山海矣及袞頻謁其門則以袞為可人語人  
曰袞無厥祖之奸也今而後益知仁人之難矣然赤眉平林只  
是叛王莽者渠便以王莽自處可謂自暴其心腸也李充菴李翔書  
成均館啓曰昨以司僕尹鐫所啓尹善道柳榘疏下及洪有



阜解罰事命下矣即為傳諭于本館則執綱儒生等入泮齊會  
相訖後送言于臣曰自古儒罰必採多士之論元無朝家俯涉  
之事不意聖明嗣服之初每有如許過中之舉生等竊不勝  
愕然也尹善道之解罰則非但今日朝家又下禁令攸生之不  
得施罰朝士既有先祖成命其身亦已死矣此則即已解罰至  
於柳援洪有阜等則俱是冠章甫之徒而悞侮先正臣李珥成  
渾其所搆捏醜正固有紀極當初施罰案出於多士共公之論  
而柳援則已無疏下併罰之事且聞身死已久不可長施儒罰  
故此亦依聖教即為解罰洪有阜則挺身投疏語意尤極凶  
慘如此醜正之類固當永黜儒籍今以聖教督迫有難乎處  
爾解罰云乙卯朝報

故承旨沈光洙即先朝禮遇之臣而曾因論禮廢錮而沒



故叅訖尹善道之子仁美以其父論礼之故登第之後終不登仕版而死士人李掄亦以其禮事爭論之故遂至顛沛而終其身此等人生既不能收錄則今雖已死合有追獎贈賤之舉

上曰依為之

右尹尹鑄所啓

○朝報

乙卯五月

宋時烈等舍明白易見之經文而守疑晦難明之䟽說大體既譌私意膠固不自知其入於無君之域亂統壞礼之罪也及先王改正之日宗用礼經期年為各衰三年是則嫡庶之分已明矣 孝宗大王免於庶子之名貶降之礼亦足以解神人之憤慰在天之靈矣但王朝之礼自有大經內外親戚百官庶士皆服斬衰三年雖以母后之尊亦以緇統之義而與天下同其服然則在前 孝宗之喪 大王大妃之服宜在斬衰三年之科許穆尹善道等所謂正体三年之說固足以破時烈等体而



不正麻子期年之說明宗統之歸然臣謂得其一而猶未得其

二也

大憲尹  
鑄疏

荅尹鑄疏曰時烈外飾佞名內懷陰險使孝庙不得傳重亦

不得服斬衰三年之制顯庙履至尊之位則豈可以為祖孫

之間而有不服斬衰之理乎即下原疏於大臣儒臣練祭時當

服斬衰三年之制

朝報

乙卯八月礼曹啓目粘連吏曹判書尹鑄上疏議于大臣則領

相許積左相權大運判府事鄭知和等以為尹鑄所引為君斬

與諸侯有五屬之親者皆服斬之文援據甚詳而但禮有尊同

則服其服之文母后之於國君其尊既同則宜服本服所謂五

屬之親恐非並称母后而言也云云右相許穆以為太后之於

國君有母子之本服父為子斬以正体傳重也母為子齊衰不



得過於子為己也此喪服之大義也魏晉皇太后三夫人以下  
皆為天子斬故東晉孝武崩李太后制三年之服宋武帝崩蕭  
太后制三年之服尹鑄博於禮者也言此礼失矣云二領府事  
鄭致和以為伏見諸大臣收訖則其中尊同則服其服母后之  
於國君其尊既同則宜服本服若所謂五屬之親恐不並指母  
后而言也五礼仅所謂大王喪皆服斬衰云者正指五屬之親  
為臣於國者而言云者既有考據且我朝亦無已行之例難容  
別叙云二同上

傳曰初欲以斬衰三年定制矣今見大臣諸臣之收訖叅以礼  
經終無明白可據之文二大王大妃服制勿以斬衰磨鍊同上  
吏判尹鑄上疏請伏妄論大礼之罪荅曰予之初叙畧倣古礼  
定以斬衰矣反復思惟則以晉宋亂世之礼終涉未安况且礼



經母后無為天王斬之文不可以無可據之禮定行大禮矣

同上

自古遺逸之士進不隱賢退期靜專而已舍此二箇道理假借山林之名把握朝廷之權前史之所未有也宋時烈與故判書宋浚吉前叅判李惟恭得意之初專務樹黨布置郊育充滿樞要汲引同色不遺奸壬排擯異己若擊私營銓衡進退皆稟命令臺閣彈論盡出指揮氣焰燠灼聲勢煒赫嬰之者廢觸之者碎數十年榮辱與奪惟其言莫之違去年啓隧時石物之缺欠退壙之水患時烈既自目覩而當初贊用此地者乃其所自為故移陵之後敢以碎骨等語肆然譏嘲盛言不為改封等之失安厝先王體魄是何等大事而故為務勝略不顧忌人臣分義果如是乎平生負犯固難殫舉而悖常亂倫至於閔慎廢父而極矣尹善道言雖峻激若其宗嫡統之論可質百世而受



宋之自者遽請殺之其子仁美抱才登第而父子終廢錮而死  
此諸宋之王安石國朝仁弘之類也其禍尤大蓋其所向面者  
行義而自能欺世盜名故也請宋時烈極邊遠竄宋浚吉追奪

官爵李惟泰削奪門黜

合啓  
朝報

公常曰豈有身在草野而賁制朝廷之英甫乎英甫殆其不然  
此出於崇奉英甫以為己利者之罪也謂英甫不明則可謂之

遙執朝權則深文也

驪江  
遺事

山陵一事臣以遠外之人固不敢輕言而第伏聞其時諸大臣  
及宗室諸宰一時看審即為聯名馳啓云然則退壙有水之說  
何不啓聞於其時今乃退有浚言至此也此則急於陷人而反  
陷於不敬不道之罪乎至於先王休魄不安之云未知出於  
何人之言而此則人臣之所不忍加於人者

湖  
龍等  
鄭  
祥



閔慎事臣雖不敢知其禮之如何而時烈之意只以為朱子喪  
服之劄可以通行於上下云尔則此非時烈劄為之言今謂之  
廢父者何哉朱子喪服之劄蓋為寧宗代服而發帝王家事体  
雖與士庶不同而父子之倫貴賤無殊夫豈廢父而朱子言之  
許穆當初訂禮之疏只是平心論說無他危險之語故見者不  
以為非矣一自建儲之疏出而人莫知其意所在自此人不能  
無疑於穆其所以不容於時以此今穆新被拔擢復倡宗統之  
說自陷於害正之地其與庚子平心論禮之意一何相戾乎至  
若尹鐫則英銳辯博早歲向學故時烈等忘年托交期許不淺  
矣鐫負其才識自許太高雖於程朱說話經傳箋注亦且出入  
異同多不尊信至或忘以己意改定章句務為新奇時烈等以  
為此是後學大弊前後譏責不翅縷也而鐫不肯改轍一向自



是畸烈等以此深病之始貳於鑄矣及至庚子春又與許穆講  
論服制而卑主貳宗之說鑄宗倡之遂為善道藉口之資一世  
之人孰不以鑄為將嫁禍而惟臣亦嘗與鑄為友情義甚篤故  
愍其與善道同歸累書責之使勿浚為危言以助凶鋒而鑄不  
動念益自主張自此以後臣雖不與鑄往來而但念鑄於其時  
亦以善道為凶悖故臣嘗謂鑄雖為危言而未知其宗有害正  
之心矣及至今日士禍大起在鑄之道所當驚惧慚悔雖不在  
其位尚欲集毛髮往救之今鑄受知聖朝如彼其盛陳章賜  
對非不頻煩而未聞一言半辭及於今日事方且莞笑苟覩有  
若甘心報復之為者前日之謂鑄為嫁禍者鑄何以自解乎  
孝廟嘗賜貂裘一襲於時烈時烈奉玩而言曰聖考所以特  
贈此物者欲使賤臣禦寒於遼薊風雪之日仍鳴咽不自勝以



此家人子弟恐其傷恠深藏其喪不敢輕出此可以觀君臣矣  
噫 孝庙所賜貂裘不用於遼剽風雪而將用於馬頭嶺外罪

人歛尸之時人事之不可知者有如是耶

前教官黃世禎疏

上曰今觀黃世禎之疏滿紙說話無非陰慘如此凶邪陰險之  
人不可不痛懲以杜後弊絕島遠竄配所定以珍島

黃生遠作海島孤囚最可憐也然前日疑之者將爭負荆矣此

則渠之光華還不細矣

趙菴集與趙根書

黃周卿已相問否軍令雖嚴亦許立功自效云云

菴集與時杰書

宋時烈臣少時交遊也亦與之為踈屬當初固未嘗不親且厚  
也雖知有暗滯之性而亦與其介學之心云云李惟泰主張四  
種之說甚力時烈之不得歸正亦惟泰之所為也臣書與惟泰  
云云許穆見臣書而躡之惟泰患臣說而斥以嫁禍遂與臣絕



時烈等見臣此書以為意在戕殺亦與臣絕當庚子禮論之作  
世楨固是臣說而非時烈亦未能直言公議以犯其師之惡聞  
臣嘗累書責之使之匡救且臣稟性朴愚其於見不到處雖古  
人之說亦有信不及者不能無見於文字間以俟後世此臣蒙  
蔽之罪也而世楨所謂雖古人箋注出入異同者也臣既知時  
烈執迷誤事而公議不得不作臣又不能汲亡然屈已見附衆  
論而營救者也且臣知時烈之始為此論出於昏謬本無邪心  
今日論此亦不可遽加以情外之律云耳

司業尹  
鐫疏

乙卯正月

答領相許積劄曰時烈之極罪可質於覆載神人之所共憤  
以正國法以雪 孝廟受辱之恥此乃孤之日夜切齒之至冤  
也卿辭如此移置於無瘴之地云報朝

安置罪人宋某今若移置清涼之地使之愜蹇自在而遙通恭



蹄則其流之弊有不可勝言請圍籬安置

啓府

大禮既正大統既定則國之大事無踰於此而昭告太廟

之禮迄未舉焉豈非聖世之大欠典乎向在仁宣大妃之

喪大王大妃服制之改定也先王特下告魂殿之教於是

以厘正服制之由添入於朔祭祝文之中昭告魂殿猗歆我

先王既以告魂殿為不可闕之禮而必行之殿下獨奈何以

告太廟一節為不可而不可行之乎

館儒李震翼疏

時烈所引時王之制亦不過所見不同議論參差之致而乃施

之以亂統之罪加之以貶薄之名前後鍛鍊必欲置之於死地

而後已者抑獨何哉而况時烈所引註疏之說已非朝家採用

之言故先王亦嘗以一場空言為教至於仁宣王后之喪

議定服制固非在外時烈之所預知者則前後所用之禮何嘗



有時烈所誤者哉第以言禮故勒加誤祀之罪不用其言而反罪其身此臣等之所未曉也

尹樾等疏竄江界

今此告廟之論若謂之重邦禮則即今金閣之人當議禮之日身居朝端何不一言救正之若謂之有事則告則議之於四載之後者其亦晚矣只欲加律於平昔所嫉之人以為修郅之計路人所知也此論煽動之初自中意見太半矛盾以此超起未決或以儒生授疏嘗試或於榻前微達外訖冀幸得請其非正大此為可見及發完席終有携貳之論則其非公共亦可知矣曾在先朝尹善道陳疏議禮而當時金諫至請按律案是太甚故先王不聽遂蒙放釋歸死田里而今日之論時烈者雖以誤禮為口案其為已甚之舉則与欲害善道何異哉臣

竊笑之

之刑判李翼疏



宋時烈議禮乖當之失不過執滯而然寧有他意哉幽囚桎棘  
之中不見天日今已四年則亦足懲其罪也 孝廟之於時烈  
禮遇寵待雖文王之於太公昭烈之於孔明猶未足比擬則人  
非木石豈敢有一毫貶薄之志而然也告 廟之後則加律之  
請乃是次第事輾轉至此豈非已甚之論乎知事金壽弘疏謂  
壽弘即尹鑄所請

清名直節之士而乙卯  
與李袞同請加資者也

討逆外曷嘗有以人臣罪故上告

太廟亦安有告

廟之後

其人終得保全之理乎安老事告

廟於已賜死之後則大臣

云亡與今日事有不類者至於尹元衡已於

明廟末年被罪

贖死而乙巳偽勲始削於

宣廟朝則其時告

廟蓋為削其

偽勲而遂臣以元衡雖告

廟而不加罪為言云告君之辭若

是其誣罔何哉只行告

廟而不必加罪云者此亦不近理之



言也縉有揆面而進者曰告禮至嚴且重不可不加罪云爾則

聖明將何辭以拒乎

判府事鄭知和疏

若鄭判府事劄曰劄中所謂告

廟之後將有次茅論罪終有

所不忍言者誠合予意昨者全啓之批其心所在誠不可測云者正謂此也

告 廟之禮終不舉行則

祖宗神靈將何以知其邦禮之厓

正哉金壽弘等跡雖元祐心在熙豐其為反覆情態鄙哉固不

足道而至於鄭知和挺身陳劄熒惑

天聽受國厚恩之大臣

亦當如是乎彼四五立異之全諫以何意見立異於不當立異

之地乎陋矣固不足道而至於知事睦耒善以清流人人所期

待而頃為憲長久未請告

廟而退舉其子弟而同歸是誠何

心哉

前參奉洪益亨疏



尹樸疏末端所謂袞貞軍擢置廟堂委任無比云者指今日三公也今右相臣許穆首扶宗統有功於國以老職僉知四歷官而八相殿下之取以老必有所以而今被袞貞奸小之辱視之尋常何也

進士韓用明疏

其人之事慚不忍污口最足受鄭金犯君命而畜活之是則卓操之餘套也既欲擅活人則其擅殺人也何難也梅州運判頃刻不死則元城殺死於其日矣故愚戲謂兇軍曰老峰所寄雖自三神山來奈狗洞運判何

在菴手閱鼎重書

公嘗語子茅曰宋英甫決非害人者性甚固滯喜人佞已以其短也既誤大禮被尹善道攻作疑吾与尹同力拚陷自我以嫁禍其不識人乃如此只是坐桶滯耳豈有害吾之心也

驪江遺事

公嘗曰英甫本心決不如此但為恠鬼軍所誤一向遂非且惑



於浮訖疑我有嫁禍之心末流之害至於滔天且使人心陷溺  
而惟渠是從英甫亦不為無罪同上

竊念大臣被罪恐當念愆省咎而嘆亡蕩亡二句程子論周  
公處變之道者極好潜玩前冬以來書辭詩句之傳於人口者  
辭氣之間類多不平之發於几亡氣像似未留意不審內省及  
此否或恐重觸謫鋒益促禍機今雖已晚不敢終默明倫書  
別紙甚荷但以大臣見處則前日未嘗以此自居今日只一上  
舍生也有何周公潞公勢位也此則鄙見恐不倫也明倫書



安鐵塊主采

戊午

年

戊午

月

戊午

日

買

米

十

戊

午

年

戊

午

月

戊

午

日

買

到

今

年

壬

午

月

二十

日

謝瑞

萬



